

東
華
續
錄

東華續錄

光緒一百九十四

臣朱壽朋敬編

臣潘鴻鼎恭校

六月乙巳命張之洞督辦粵漢鐵路○以安徽廬州府故大學士李鴻章祠列入廬州府祀典○丙午上御仁壽殿俄國使臣璞科第覲見呈遞國書○丁未政務處刑部奏本年四月初五日軍機處鈔交御史劉彭年奏釐定刑部章程又御史錢能訓奏改定刑律宜策萬全各一摺均奉 旨政務處會同刑部議奏欽此據劉彭年原奏內稱刑部爲天下刑名總匯不應審理詞訟宜速規漢制近法日本漢之廷尉不過審定律法不必審定罪因日本司法卿掌釋律意凡捕亡囚獄事務屬之裁判所擬將京師一切詞訟凡罪在徒流以上者內城由大宛兩縣外城由正副指揮依律審理由順天府尹五城御史覆核違部傳堂司各官專心法律無敲捕之煩勞是爲上策現行律例五城步軍統領衙門審理案件罪名在徒流以上者方准送部不得以情節介在疑似者濫行送部若將不應送部之案濫行送部刑部將原案駁回仍據實奏參現在送部案件有無關重罪之案擬請聲明舊例是爲中策各等語謹案自古刑官未有專定律令而不治訟獄舉閹作士察理訟獄局禮大司寇之屬聽訟決獄之法至詳卽如該御史所稱連規

漢制之廷尉按治尉有平有史以因辭決獄事日本裁判所承命於司法卿與漢制廷史鞠獄受成於廷尉略同實無廷尉祇定法律不審罪囚之說京師浩穰人海奸弊所叢盜賊訟獄多關重要今之大宛兩縣員微樞樞固非前代洛陽長安亦令之比坊官雜職資品尤卑刑名之事多不通曉該御史方稱錢債細故尋常盜竊無關重罪之案猶以介在疑似濫行送部若遽責以審斷重大案件如何可行詳查所言上策係屬更改舊章又於古誼不合現行事例尤多窒礙應無庸議至所言中策本係現行律例應如所請辦理卽由刑部申明舊制一律遵守以定極限而省案牘又錢能訓原奏內稱改定刑律宜策萬全慮教養未替警察未周刑官不諳律意請飭各督撫盡心教養實行警察定陪審重見證舉行訴訟裁判諸法並請設法律學堂各等語竊維慎刑之道欽恤爲先該御史所慮者以現今教養警察等事尙未一律舉辦驟停刑訊恐有窒礙難行之虞查劉坤一等原奏謂外國警察之法最密故證據多實洵爲洞中之言伍廷芳等覆奏亦請認真辦理警察並先請開辦法律學堂復申明訴訟裁判諸法將來仿照各國另設專章參酌妥當奏明辦理是該御史所陳各節伍廷芳等請停刑訊摺內亦已籌慮及之總之執法務求平允考核不厭周詳伍廷芳等所奏如有未盡周備之處應由刑部會商該侍郎參酌奏明辦理刑部查五城步軍統領衙門審理案件徒流以上方准送部例內界限甚明近年以來送部之案往往有罪不

至徒流者且有無罪可科之案亦徑行送部者辦理參差殊失定例本意應如何明定章程之處俟臣部參酌妥當另行奏明辦理得 旨如所議行○己酉刑部奏光緒三十一年四月初五日軍機處鈔交御史錢能訓奏請 飭部亟籌辦公經費一片奉 旨著刑部察核辦理欽此臣等查該御史原奏大致謂欲求整頓部務必先籌備公費現在吏兵兩部業已優給津貼臣部若不仿照辦理恐無以鼓勵司員約束吏役原奏以祿薄爲慮自係探原之論惟臣部公事殷繁較之各部院不同向來清苦情形亦較之各部院更甚近年迭奉 諭旨著各部安定辦公經費仰見 聖恩優渥欽感莫名無如臣等辦理爲難既無公款之可提又無私款之可化平日辦公經費皆取給於各省頒解飯銀此外尙有戶部奏銷及三節幫費爲數本屬無多前年因用款不敷爲暫救目前之計並因兩監恤囚經費向由勸募而來實非政體奏請各省酌加飯銀及新增之款共銀四萬二千五百餘兩戶部奏銷及三節幫費共銀八千兩每年共銀五萬零五百餘兩至於常年用款除恤囚經費外每月辦公之費極力撙節約需銀三千數百兩以臣部滿漢司員及筆帖式共五百餘員之多加以各司處所書手一百八十四名皂隸等一百七十四名每日進署當差無間寒暑而堂司飯銀書役工食皆取給於此其困苦情形已可概見如逢閑月或承辦要差則又須加增用款數千兩進款有定數出款無定數虧空愈積愈多騰挪借貸歲以爲常辦公時形竭

辦而於司員津貼一層更無暇議及逮至前年奏請酌加飯銀是時戶部尙書臣榮慶正官刑部以該司員等當差異常勞苦與臣等公商酌予津貼以資獎勵原擬最優等每節津貼銀四十兩以次遞減及屆節期通計款項不敷只得批令照八折發給原奏謂此項區區津貼甚微而不知臣部行之僅及一年已覺難乎爲繼設一旦併此區區之數再議停止在該司員等雖不至存缺望之心第恐外人不察或至別生疑義既苦無米之炊又乏善後之策此臣部經費支絀上下艱苦之實在情形也茲據該御史奏請飭部兩籌辦公經費奉旨著臣部察核辦理臣部竊維部務關繫極重又值時事艱難非切實整頓不足以挽積習非優加體恤不足以勵羣才雖臣部著名清苦該司員等安之若素第外務部商部以及吏兵兩部皆優給司員津貼而臣部獨付闕如未免相形見絀且非所以仰體朝廷重祿勸士之意臣等自奉命以來籌維再四又復周諮博訪冀得擇善而從而議者曰吏部化私爲公之款所入甚鉅以吏部之有餘補臣部之不足此一策也抑或仿照各省臬司秋審費名目取給於各州縣在各州縣所出無幾而刑部合十八省之州縣而取之卽成鉅款此亦一策也更有謂泰西各國裁判有費狀紙有費刑部可略師其意明定訟費章程取之不竭出之有名此又一策也而臣等則謂吏部改章以來進款雖鉅用款必繁未必能多所贏餘以濟臣部之急卽使吏部不分畛域而敷衍目前亦可暫而不可久其秋審費

一項聞之各省多寡不一要皆取之於州縣臬司既取之於前臣部又繼之於後不特州縣窮於供應且各省例有餉銀原備辦公之用於餉銀外別立名目殊非政體至於仿照外國納繳訟費事本可行惟訴訟裁判諸法尙未變通必欲先定訟費殊覺稽查不易且恐流弊滋多凡此皆於臣部酌辦辦公經費之計無當也臣等伏念辦公固以籌款爲先而籌款尤以經久爲要現在戶部庫帑支絀既無專款之可撥而臣部例禁需索分文入署卽以職論無私可化自不待言於此而欲籌公費其難可知然安於苟且任令困難終非政策不得不於無可籌措之中預謀一經久之計查新章笞杖改爲罰金此項新案罰金似可藉資挹注以濟臣部要需不特於國計民生兩無窒礙抑且以公家之款辦公家之事於言固順於理亦安臣等公同商酌擬請將外省州縣自理刑名案內笞杖改爲罰金一項提解到部以資辦公酌定每一州縣每年解銀一百兩按半年解銀五十兩每年分兩次由各該督撫彙齊解部年清年款不得帶欠分釐並不得藉口修改監獄及設立習藝所留作地方之用此係例應入官冊報之款無俟另籌當不至有所推諉至各州縣審理笞杖人犯折罰銀兩每年斷不止於此數除解部一百兩外其有餘之款以及奏咨案內笞杖折罰銀兩應令各該省年終彙案一併冊報戶部並分咨臣部以便互相稽核似此明定章程庶外省款歸核實而臣部辦公不至無資實於刑政大有裨益如蒙 俞允恭候 命下臣部卽行

文各該督撫將軍都統府尹一體遵照辦理至臣部此次遵旨酌辦辦公經費固以優給司員津貼爲大宗其次則如原奏所稱增加書役飯銀者是也查臣部各司處所吏役雖經裁汰尙存三百五十餘名以閹署之大其任鈔胥供奔走者祇有此數已覺日不暇給未便再議酌裁自整頓以來明查暗訪雖該書役人等尙無過案需索之事惟每月工食甚微難資策勵且若輩誰無事蓄抑且具有天良果能懺其身家斷不敢知法犯法正本清源莫要於此其次則又如原奏所稱增加恤囚經費者是也近年兩監恤囚經費較從前擴充一倍圖屏之內固已實惠均霑惟查准新章凡各省臬司府廳州縣各衙門監獄飭令一律大加修改屋宇務須廣潔並優給口糧及冬夏調理各費以示體恤等語臣部爲各省問刑衙門之表率尤應採仿東西各國監獄成法將南北兩監大加修改一洗從前因陋就簡之習作速改良爲天下先凡此款項之所需實非敷衍所能成亦非涓滴所能濟是在各該督撫力顧大局將此項罰金按年撥數解部則臣部辦公無虞支絀矣得旨如所議行○庚戌命奎順留京當差調馬莊爲烏里雅蘇臺將軍○以長庚爲伊犁將軍○辛亥上詣奉先殿壽皇殿行禮○遷頤和園○壬子以鐵良兼署兵部尙書○甲寅予出洋學生金邦平等進士舉人出身有差○丙辰以故直隸提督聶士成祠列入直隸天津府祀典由地方官春秋致祭○諭方今時局艱難百端待理朝廷屢下明詔力圖變法銳意振

興數年以來規模雖具而實效未彰經由承辦人員向無請求未能洞達原委似此因循敷衍何由起衰
弱而救艱危茲特簡載澤載鴻慈徐世昌端方等隨帶人員分赴東西洋各國考求一切政治以期擇善
而從嗣後再行選派分班前往其各隨事諷詢悉心體查用備甄採毋負委任所有各員經費如何撥給
著外務部戶部議奏○丁巳以奎順為正藍旗漢軍都統○諭軍機大臣等有人奏清丈委員嵩慶等苛
派受賄擅作威福等語著趙爾巽按照所參各節確切查明據實具奏毋稍徇隱原摺著鈔給閱看將此
諭令知之○外務部奏查辛丑和約所載賠款關平銀四百五十兆兩各國不允還銀臣部業將先後磋
讓情形並另擬辦法三端於光緒三十年十月二十一日奏明請 旨裁奪奉 硃批著照所請戶部知
道欽此欽遵在案臣等迭與各使函商面議迄今又逾半年始就緒緣與議和約者十一國勢加連難
諸多牽掣辦法或稍未平允羣謀卽不易致同故此大反覆最多磋商最久前所擬三端一金價按月折
中一鎊虧免再計息一每月付款扣還息銀各使俱謂前三年已付之款早經各本國兌收撥用礙難照
新擬辦法更改冊籍祇允嗣後可設法通融而前欠仍須索還此在彼為有詞難與爭辯惟查各國銀行
每屆還款之期不免浮開鎊價此三年內付過本利大期據其銀行公會結算虧欠已至一百四十餘萬
鎊經臣等詳加查核指摘各銀行所定鎊價之不公平各使始允以一百二十萬鎊合和約關平銀八百

萬兩作為前三年虧欠之數於議定後一律清還此議約從前鎊虧之情形也至以後還款為日甚長欲
免鉅虧必籌善後原擬每月勻付之款未屆還期按月扣回息銀各國已允照行金價折中之議各使亦
以為公允惟謂上海市面金價常不能劃一欲逐日開價折中核算恐無從定准仍滋爭論因議或照倫
敦市面銀價用銀付還或以金錢期票或電匯票聽各國於此三端擇定其一其期票電匯票由中國不
拘在何處及何銀行任便自購以後每屆還期照各國分票所載應付之數付清自無所謂鎊虧不必更
議及鎊虧免利一節此議定嗣後還款之辦法也以上所議已定各國皆願擇用電匯票惟俄國與日使
巴尼亞願照倫敦市價付銀而俄款最鉅辦法尤宜詳訂所有俄之盧布與倫敦之金鎊其幣制比較若
何倫敦之溫司與中國之關平其權法比較若何迭經臣部電飭江海關道與該國銀行董事詳細議定
又日本因該國在倫敦需用款項請將嗣後應付該國之款電匯倫敦亦按日本幣制戰準合成英鎊臣
等竊探各國於俄日本所議均無異言始行照允此則各國各有分別之辦法也美國之款前允照銀數
付還此次各國將有成議即照美亦須按照辦理當經臣部照會駐京美使聲明原議辦理惟美政府常
願按照約載海關銀價接收然亦有調條聲明若各國均照別項價值辦理則美政府又須援利益均霑
之通例照行等語臣部復電駐美使臣請於美外部所覆亦同因念中美交誼素敦各國之款已一律還

金而美款獨令還銀未免有所軒輊於一體優待之例不合自未便因其曾經允許而強與爭論此又美款亦照各國辦理之緣由也臣等竊維還金還銀辯論數年迄無定局處不得不轉圜之勢藉此整頓還款辦法亦可稍資補苴現所議定者或由中國自購金錢匯票則取舍之權操之在我或照倫敦市價付銀則價值劃一銀行無可居奇至按月扣回年息四釐其數積少成多計算至三十九年終所節省約在一千萬兩以上於各國毫無所損於中國實甚有益處又查賠款所欠首六箇月之息九百萬兩照約應展在三年內帶還一次以八百萬兩償清前三年欠款所有展息九百萬兩亦計在內故從本年起每年應付之數較之前三年已減三百萬兩即可以此款爲彌補銜價之用至第十年以後賠款應付之數漸增而舊日之洋債漸減其款仍可移挪備銜價不致異常騰貴自無庸再加攤派各省之額臣等籌議已妥卽於五月三十日會同各國使臣在部簽字互換照會俾各遵守謹將照會內所載議定辦法四條繕具清單恭呈 御覽得 旨如所議行○戊午賞史念祖副都統銜著隨同趙爾巽辦理賑撫事宜○兵部奏選將以流品爲先捐納非經武之道向來選補將弁非科班行伍世職出身者不得濫膺蓋藝重也嗣因軍書旁午需餉浩繁暫開捐納一途原屬一時權宜之計但事例既行或生長富厚未諳操防或年力未強不嫻訓練一旦輪補得缺不免貽誤事機更有慮者報捐之資本非有餘貲難以於平時必取價

於後日尅扣薪餉浮開兵額租種流弊所關良非淺鮮縱使督撫不時舉劾其間請求營務技藝優長者自不乏人然求什一於千百之中恐將材之日少而武備之日廢也查從前籌餉例報捐武職經已故大學士左宗棠於同治五年十一月二十日奏請停止嗣因戶部臣部會議新海防事例復於光緒二十一年五月十五日奏請開辦報捐武職并將捐納人員於揀發班外另立一班使之得缺較易以期捐輸踴躍借濟餉需迄今已十年之久約計入款不過十餘萬金於國帑全無裨益而於營務大有關係方今各省設立學堂選將訓官無不嚴核流品切實整頓若仍開辦武職捐輸殊非整飭戎行澄敘官方之道臣等公同商酌擬請 旨將武職捐輸實官虛銜及捐復銜翎 封典所有一切捐項一律停止除已經分發人員照章辦理外其未經赴部各員弁俟奏准之日起由臣部通行後限五箇月內所有捐輸人員統令赴部分發倘逾期不到卽一律停其分發以重員缺而肅營伍得 旨如所議行○己未廣西布政使張廷燦緣事解任以張鳴岐署廣西布政使○調奎俊爲吏部尙書溥興爲刑部尙書以特圖慎爲理藩院尙書○調張人駿署山西巡撫張曾敎署湖南巡撫○授世續爲大學士以外務部尙書那桐協辦大學士○諭都察院奏巡城御史用刑不慎據實糾參一摺茲因改定法律停止刑訊甫經降旨乃該御史瑞璐輒以錢價案件濫刑斃命實屬荒謬糊塗僅予撤去巡城差使不足蔽辜瑞璐著卽行革職以示

懋儆○商部奏路礦農工諸政泰西各國皆以此爲開通商務之基故其通國人民靡不殫精竭思合力營置然其於精制之權限境土之尺寸則必兢兢焉自保主權他國人民萬不能侵損其毫末可見極限所在不容須臾忽也中國商民不知此義往往圖目前之小利不顧後日之隱憂近年以來各省私佔礦地曠山之案層見疊出至各處租界之外民間農田房屋亦浸假而售諸外人若不設法查禁流弊何可勝言查各國通商條約外國商民只准在通商口岸租界建置又從前總理衙門成案傳教士買地建堂其買契內只可載明買作本處教堂公產字樣若係洋人在內地置買私產與條約不合仍應禁止是洋人在內地置買產業原非條約所准行又總理衙門通咨各省文稱嗣後各教堂置買產業不必先行報明地方官等因可見若非教堂置買產業均先應報地方官查核且教堂置買產業雖不必先報地方官而買妥之後則仍由地方官蓋印稅契其是否教堂置買原不難確切稽查等參考約章界限本極分明徒以奸民貪圖重價私自售賣而地方州縣不加深察或吏役人等私受賄託贖准稅契迨至事成之後商令退讓洋人亦不無虧累返復相持往往釀成交涉等詳加籌度與其事後爭論糾葛繁多何如先事防維爲拔本清源之計擬請飭下順天府尹各省將軍督撫等嚴飭各該地方州縣於商民稅契事件務令澈底查明勿稍含混倘有商民將地產私售外人未經查出輒予稅契者即將該州縣照例參

處地主及吏役人等如查有串通朦混情事一併治以應得之罪以儆效尤現值修訂法律之際應否訂定專條另由臣等咨行法律大臣酌核辦理得旨如所議行○周馥奏各省鑄造銅元本為補救錢荒非為圖謀餘利開辦之初銅賤錢貴獲利頗鉅然是各省添機加鑄日出日多舉凡一切新政之無款舉行者皆指此餘利為的款即練兵處攤提兵餉亦竟指此為大宗如果行之無弊以之撥充軍需舉行新政豈不甚善無如出錢日夥錢價日低近日精會計者就中國已有之機核計出錢之數歲可出銅元一萬六千四百餘兆枚合制錢一百六十四兆餘串謂中國銅元之價必大低落內外商務必受其困各疆臣非不知之徒以新政要需練兵鉅款束手無策不能不為此權宜之計不計市面盈絀一意擴充銷路紛紛外運互相擠跌而於各本省之窮鄉僻壤尚未徧行揆諸補救錢荒之初意大相刺謬並於商務之轉輸實多貽損是僻遠之區未受銅元之益繁盛之地先受銅元之害即以江蘇一省論金陵蘇州清江三處已各設機廠所出銅元足敷本省之用而廣東湖北浙江福建或委員設局運售或給照招商販賣皆聚於上海鎮江等處以致錢價大跌近年江西尋常市價每銀一兩易錢一千三百文現驟漲至一千四百餘文每銀元一枚向易錢八百四五十文現漲至九百六七十文餘利既減新政之需練兵之費勢將無出官商兩困患在目前江南財賦以丁漕鹽貨釐金為大宗向皆收錢易銀解庫錢價既落折耗甚

鉅應提盈餘應交課稅損失實多賠款軍餉難望足數商販賸虧更難枚舉論者謂前因制錢缺乏錢價太昂故鑄造銅元以補制錢之不足藉以維持銀價今銀價既漲而又嫌錢價太賤豈不前後矛盾不知鑄造銅元原所以補制錢之缺若本省足用而尙屢出不窮錢少因荒錢多亦因盈虛消長之機斷難偏重過猶不及理勢然也若爲正本清源之計亟應安定劃一幣制以垂永久惟茲事體大非倉猝所能議行爲目前計惟有飭鑄造銅元各省以本省所鑄供本省之用不准自行販往他口由各省督撫酌盈劑虛隨時消長如某省缺錢卽由缺錢省分委員前往購運於補救之中仍寓流通之意現在直隸山東兩省已禁他省進口仍屬不得已之舉江蘇事同一律應卽援案暫禁進口以救市面論者又謂錢幣均乎流通一中國之錢行銷中國之地未便各分畛域且各省已鑄之錢豈能存而不用不知各國圖法本有限制現在各省既以錢多爲嫌其出錢最多省分不妨暫行少鑄庶不至漫無限制下財政處戶部議奏○庚申以壽嵩爲左都御史○調增崇爲吏部右侍郎以景厚爲兵部左侍郎○甘肅布政使何福堃緣事解任○辛酉以豐伸泰爲甘肅布政使以王仁寶爲浙江按察使○諭我朝開國以弧矢威天下故向制考驗官員訓練軍士均用騎射所以崇尚武功昭示來許惟近來兵法日變器械日新當仰體 列聖重武之精心力行有用之寶政嗣後八旗王公大臣均當深求兵學修明武備勿尙虛文所有引見人員

例應持弓者著毋庸持弓其出入應從宮禁守衛官兵所備軍械尤應變通盡善不准虛應故事至挑取
備項侍衛拔補內外官員挑選滿漢兵丁應如何驗其學識試其膂力考其藝能之處均著御前大臣會
同兵部妥定章程奏明辦理○壬戌袁世凱奏今之識時務者輒愛民智之不開願治民事者官也而官
之泄沓如故作民望者紳也而紳之蒙昧如故欲求民智之開非由官紳入手不可開智之道年少英俊
者使之游學年長吏事者使之游歷二者分途並進多歷年所收效必宏直隸游學官紳士人經已先後
派遣官費自費各學生計一百數十人陸續東渡但費重時長暫難普及因議訂官紳游歷之法期於祛
銅餼而廣見聞親民之官莫如牧令凡學堂警察農工諸大政皆關緊要現通飭寶缺州縣人員除到任
已久未便令離職守外其餘新選新補各員未到任以前酌給津貼先赴日本游歷三月參觀行政司法
各省及學校實業大概情形滿回國然後飭赴新任並責令呈驗日記以證心得數年以後出洋之地
方官日見增多庶新政不至隔膜此派官游歷之辦法也又以各州縣學堂工藝諸端官不能獨任其勞
皆須紳董相助爲理特以風氣未開或漫不經心或暗相掣肘現通飭各屬公舉品端學粹之紳咨送日
本游歷四月經費有取諸學款者有另行籌備者每州縣至少須送一人選派護送員譯員隨同東渡此
遣紳游歷之辦法也方今時局更新惟有上下一心博采鄰邦之良法此項官紳游歷爲目前行政改良

之漸即將來地方自治之基報聞○癸亥裁廣東巡撫缺以兩廣總督兼管巡撫事宜○甲子學務大臣奏據編書局監督翰林院候補侍讀學士黃紹箕咨稱查初等小學堂章程歷史與地格致三科均就鄉土編課用意至為精善請遵照定章編成例目擬懇奏請 飭下各省督撫交各府廳州縣擇士紳中博學能文者按月考查依例采錄地近則易詳事分則易舉自奉文日始限一年成書由地方官逕將清本郵寄京師編書局一面錄副詳報本省督撫庶免轉折遲延並令各省地方官先將本省通志及府廳州縣志郵寄編書局以資參考各處鄉土志輯稿送到由局員刪潤畫一呈請學務大臣審定通行各省小學堂授課又各省前次繪送會典館地圖並需各寄一分以備編纂之用如無印本可照底稿摹繪寄京各等因 臣等察核各節均為編輯課本力求翔實起見謹附片具陳報聞○商部等奏光緒三十一年五月初二日准軍機處片交伊犁將軍馬亮奏招商集股設立皮毛公司等因一片奉 硃批該部議奏欽此欽遵傳知到部據原奏內稱蒙古哈薩牧放馬牛羊隻歷年所收皮毛兩項均係外來商人前赴游牧地方收買以茶布雜貨互相易換商人購獲皮毛轉運俄商獲利較厚計不若官為設局興立皮毛公司派委熟悉蒙哈情形之員總司其事蒙古部屬即選總管佐領老成穩練者分旗發價收買哈薩部落即選千百戶股實可靠者分部發價收買定期交局如法選製交商販運傳賣約計每年出產皮毛價值

不下數十萬金現在籌款維艱擬先招商湊集股本銀十萬兩中公卽以茶價所獲餘利二萬金收入股本其餘卽按年報明儲備本處緩急之用等語臣等查伊犁僻處西陲俗尚樸儉土產惟牲畜爲大宗歷年所出皮毛皆係外商收買販運出邊獲利甚厚蒙哈噶爾自失利權該將軍擬湊集官商股本設立皮毛公司講求選製發商販售果能經理得宜亦足藉開風氣惟事歸官辦重在得人應慎選才守明潔熟悉商務之員總司其事收支必求核實交易尤貴公平一切規則均按照奏定商律辦理力除官場積習事歸核實款不虛糜庶足開闢利源蒙商兩便至該公司所獲盈餘除各股主攤分並開支局費外其餘應酌定成數專款存儲以備擴充之用至公司開辦之先並應由該將軍妥定派員招股辦事各章程詳細奏咨立案並遵章赴商部註冊以便隨時查核抑臣等更有進者自來富國之原畜牧與農桑並重西人講求牧務不遺餘力北美南澳用此富饒卽骨角皮毛亦爲製造必需之品本年三月間商部提出使俄國大臣胡惟德來咨籌議做織獸毛抵制洋貨等因當經通行各省將軍督撫酌度籌辦在案天山北路自古爲游牧行國沙土廣衍水草肥饒亟宜廣興牧政爲工商之基礎卽皮毛兩項產額亦可驟增將來辦有成效再將該公司所獲盈餘擴充各項實業在公中不必別籌鉅款要政可次第設施且以商家之款專辦商務於事理亦屬相合如蒙 俞允當由臣部咨行該將軍體察情形飭屬認真舉辦以興商

業而廣利源得 旨如所議行○乙丑順天府奏商部會同戶部議擬御史王振聲請變通官粥廠改設
教養局請 飭下臣衙門援照五城教養局辦理一摺奉 旨依議欽此由商部行文欽遵辦理等因伏
查京師地面遼闊五方雜處小民生計日艱往往易罹法網其中根於游惰者有之迫於饑寒者有之迫
犯罪擬結釋放有司不能實行教養以致其游惰也如故其饑寒也亦如故懦弱者委填溝壑狡黠者流
為盜賊殊堪憫也居今日而欲救其弊會設立教養局別無良策臣竊維辦事之要求其專不務其紛必
將精神心力畢注於此一事方能措置裕如原奏所指普濟堂功德林兩粥廠改為教養局固屬正辦兩
局同時並舉不特經費難籌更恐顧此失彼似莫若先就功德林一處切實舉行俟該局辦妥則普濟堂
仿照改設自能事半功倍立著成效臣等業經派員先將德勝門外之功德林粥廠改設教養局房屋的
加修葺應習工藝暫分四科一織布二織毯三織帶四編筐一切辦法按照五城教養章程並參以日本
習藝所規則實事求是粗定局章委員試辦又法律大臣伍廷芳等議擬兩江督臣劉坤一等會奏變法
第二摺省刑賞一條請 飭下臣衙門並五城設立習藝所收拘輕罪人犯一摺奉 旨依議欽此臣維
教養局習藝所之設用意本屬相同原可並行不悖刻下習藝所房屋尚未籌定擬請樞在教養局內附
設俾收一舉兩得之效教養局專以收養游惰出示招募年在十六以上四十以下之窮民為藝徒習藝

所專收已結各案內無力罰金之管杖經罪人犯與藝徒一律量材受藝工廠各分一區兩無干涉現已擇定六月二十八日一律開局統俟三箇月後各事辦有就緒一面徐圖改良擴充一面將普濟堂應如何設法推廣習藝所應否另設詳細釐訂章程奏咨備案應需經費除遵照原奏每年在應領崇文門稅務津貼銀二千兩暨 恩賞普濟窮黎一萬兩內酌量撥用外不敷即請在 臣衙門備荒經費項下動支作正開銷所有應需米石從前西粥廠每年 恩賞並再加 賞共粟米八百石今改教養局兼習藝所人數無準米數更難懸定應請 飭下戶部倉場督 臣存案隨時由 臣衙門備文咨取如逾額定之數過多再行奏明辦理至御史王振聲原奏撥米一千二百石查係朔陽安定西直三門粥廠每年額領之數該三處粥廠每屆冬令各屬貧民均來就食應請留備贍養老弱病廢無藝可習之人原奏由 臣酌量改設之處請從緩議得 旨如所議行○林紹年奏竊維粵黔接壤自游匪倡亂以來始而蔓延興義郡縣繼則竄擾黎平各屬而都勻獨山荔波等處尤承其敝頻年籌辦邊防幾無寧日去歲該匪自內姝西山梅寨敗後勢頗窮蹙悉數竄踞思恩縣屬之五十二峒尋軍乘勝剿捕復於十一月初間奔潰出巢屠集南丹土州之月里院上稿里茫場一帶十二月匪眾三四千人悉攔入都勻府屬之四寨關內燒殺搶掠兇悍異常聲言下取獨山荔波上出番羅斛以仍歸陸林老巢四寨防軍中路新前營管帶儲玉貴新右

營管帶劉承鳳率練協團迎戰不利陣亡哨長吳國棟一名滿雅滿粉白果等村相繼淪陷獨荔統帶李寶書聞警率兵馳扼青窰以遏內竄之路別派親兵哨長涂紫剛馳往四寨援剿其時各地方文武及各路防營紛紛告急署撫曹鴻勛立派常備軍管帶宋振鐸率中右兩營暨先鋒頭二隊星夜馳援又飛飭都勻府謝文翹獨山州張鎬各募鄉團助剿一面飛咨貴州提督潘萬才由安順撥提標中左兩營管帶呂調元黃金標率哨會定番待變先是劉儲兩營於十四日復出攻匪自辰至午勢漸不支適李寶書所派涂紫剛馳至李雲峯段綸品亦分路來援奮力前戰斬獲甚多遂將四寨收復是晚胡錦棠亦到十五日各軍分五路進攻神仙坡血戰竟日我軍陣亡哨弁胡玉勝及練軍二三十名團總羅開榜同時陣亡士卒憤怒大呼猛撲擊斃匪首十餘人悍匪三四百名是夜各營俱逼賊而壘十六日復戰賊有斬擒十七日天大雨雪乃乘匪不備四面設伏密令各軍銜枚捷進直搗賊巢該匪正倉猝抗拒間諜傳省中安順派出各軍已到登時大亂譁然而奔節節退至虎雄關我軍得勢無不一以當百立將滿雅滿粉白果各要隘收復救出男婦大小數百餘口奪獲鎗械無算又乘勝將虎雄關攻克捷報到省曹鴻勛念黔邊積年匪徒兵力餉力日久難支茲幸邊軍大集粵西勝兵又悉至境上決意會剿以爲一勞永逸之計乃電奏請派潘提督親臨前敵一面調安義鎮標各營出與壘以扼上游調古州防營劉全忠鄭錦棠

兩軍將下游兜進旋奉 電旨飭令會剿潘萬才卽進駐獨山居中調度李寶善率段綸品劉永鳳兩營
出四寨爲一路王錫吉率成國柱何永昌三營出荔波爲一路宋振鐸胡錦棠李雲峯儲士貴程振高六
營由下司麻尾分道繼進劉全忠鄧錦棠兵至則令紮四寨以顧後路又飭蔣一忠率提標右前後三營
於羅斛邊要上下堵擊十二月初二日宋儲劉三營進至粵西之月里李寶善率段營山月里趨芝場與
粵軍統領陸榮廷會初五日在粵界開仗斬馘甚衆生擒匪首伍十二黃留芝案二三名並奪獲偽元帥
偽營務處僞統領各僞印粵軍生擒匪目黃市臣黃三二名初八日會剿後獲匪目林四陸三何二案老
得周十八陳挽等七名又晤會粵軍將著名土匪盧懷春盧添游匪曾五擒獲均經先後訊明正法其蘇
八一名最爲大股首要上年竄擾羅斛獨山荔波等處皆該匪爲之渠魁潘萬才懸賞千金期在必獲粵
軍協同黔團剿之於陣亦已經驗明爲示自是首要盡除脅從解散黔邊一帶遂就肅清所有先後情形
迭經曹鴻勳電奏到任後復據實電陳在案茲據總營務處布政使袁開第按察使全懋績詳懇奏明
請獎前來臣查游匪爲患已及十年此次竄感竄黔既圖掠我善地又思別覓歸途設非殫精竭力同遇
兇鋒縱令入黔則門戶失而堂奧亦覺可危驅使歸粵則檻柙一出而山林仍思嘯聚大局必遭難收拾
所幸將士用命驅豕狼狂突之衆納羅網連絃之內會剿之局既合肅清之功以成實非尋常勞動可比

查光緒二十八年災義卹享羅斛之役二十九年南丹之役均經歷任撫卹專案具奏奉 旨優給獎敘在案三十年丙姝之役前撫卹曹鴻勳電請將失機之汪裕基王虎臣軍前正法又請將在事出力人員擇尤保獎奉 旨飭行存記各在案茲以嚴刑在前必有重賞在後既別勸懲亦資風勵現在粵氛肅戢防務難鬆時值用人之際尤賴賞罰嚴明方足藉觀後效前已將出戰失利之儲玉貴劉承鳳撤差示儆其餘在事出力文武員弁紳團自不可不從優獎敘以勵將來可否仰懇 天恩准 旨擇其尤出力者酌擬升階同已經奉 旨存記之丙姝案內出力人員一併請獎出自 逾格鴻施得 旨著准其分別擇尤酌保毋許冒濫○丙寅授孫家鼐爲文淵閣大學士裕德爲東閣大學士世續爲體仁閣大學士○商部奏臣部於光緒三十一年五月間迭據安徽通省京官翰林院編修呂佩芬等呈稱竊維中國鐵路各省士大夫急籌自辦雖財政拮据不得不勉力圖維但功大費鉅經始非易必須得名望素著之大員爲之督辦查有駐滬隨辦商約鐵路事務候補四品京堂李經方昔年曾充出使日本大臣又游歷各國於路政素所講求以之督辦安徽全省鐵路事務誠足以資提倡而勝委任職等職念梓桑情難緘默公同商酌就管見所及擬就安徽鐵路興築籌款各事宜另繕清單援照四川江西各鐵路成案公懇據情代奏請 旨定奪等因 等伏查近數年間各省請辦鐵路風氣漸開統核各處路線縱橫聯絡要以揚

子江爲樞紐而皖省則控扼中流上通武漢下達寧滬目前蘆漢鐵路將次竣工寧滬鐵路業經興築至川漢江西亦復各議興辦該省以上下衝要之區商務輻輳之地誠能及早籌畫洵屬有裨路權該省京官呂佩芬等呈稱援案自行籌築境內鐵路查閱所擬籌辦事宜約分計里計費辦法籌款四綱據稱本省路綫發端宜與鄰省已成之路相接滬甯鐵路直抵江甯則安徽路綫宜由蕪湖接至江甯爲首先應辦之著此外分大江南北爲兩綫由蕪湖對江之裕溪口起經全含廬鳳蒙亳以期與蘆漢鐵路相接計程五百餘里江南路綫由蕪湖經宣城旌德徽州至江西景德鎮爲止以期與將來贛路相接計程七百餘里又由宣城廣德州至毗連浙界之淮安府止以期與將來浙路相接計程二百餘里統計全省路長共一千七百餘里以每里需款萬金內外通計約須資本二千萬兩現擬先由蕪湖築至江甯名曰蕪甯鐵路計程不過百八十里需款祇二百萬之譜至於籌款之法大致援川贛兩省數捐鹽價辦法據稱皖省以蕪湖出口之米徽州行銷外洋之茶及長江運售之木三者爲商貨大宗蕪米每年出口不下四五百萬石每石捐銀數分湊足十兩換給小股票一張湊足百兩換給大股票一張其餘酌提各州縣公積存儲生息並分派公正紳士認招股分以期眾擎易舉以上各節等復加詳核所籌辦法尙屬明晰至公舉候補四品京堂李經方督辦興修鐵路各事宜查該京堂係前大學士李鴻章之子才具精敏鄉望

奏字既據該省京官呂佩芬等呈請代奏前來合無仰懇 天恩准將駐滬隨辦商約鐵路事宜候補四品京堂李經方派令總辦安徽鐵路所有招股勘路購地興工各事宜均責成該紳經理隨時稟呈 臣部核奪奏明切實興辦藉以統一事權聯絡衆志一切遵照 臣部奏定章程逐漸布置三年以後仍援照奏辦江西鐵路前案果有成效卽行奏明酌予獎勵如日久無功亦由 臣部奏明撤銷差使以重路政得旨如所議行○丁卯戶部奏理財以幣制爲樞紐幣制以整齊爲要義 臣部遵 旨在津設立銀錢總廠卽專爲整齊幣制起見惟銅元創行伊始先由廣東試鑄其後各省遞相仿倣以救錢荒現查開鑄已有十七省設局多至二十處若不明定限制未辦者仍將援請已准者復議擴充鑄局益多更滋糜費錢品益難一律且恐私鑄因而混銷而洋銅以各處爭購亦將格外奇滯扃益甚故上年政務處練兵處會議兩江總督魏光燾奏請添鑄銅元摺內聲明此後鑄造銀元皆由 臣部主持以一幣制而重財政各省並不得紛紛設廠又查上年署兩江總督周馥奏歸併銅元局片內亦聲明多一局廠多一繁費且恐各局所鑄成色參差於民用轉多不便尤不可不加審慎等語是銅元宜多鑄而不宜雜出所見正復相同 臣等公同商酌各省已成之局勢難停廢應由該將軍督撫認真督造不得再行增設子廠此外未鑄銅元各處概不得仿照設局如必須銅元應用仍令籌款交鄰省錢局搭鑄運回行使其有地當衝要設局

實在相宜應由臣部隨時察酌情形一俟天津總廠布置就緒再於上海等埠建立分廠以期漸若盡一逐漸推行至各省奏准之初臣部俱令按月造報迄今開鑄已久均未照辦實不足以重國法並請飭下現已開鑄銅元各省將軍督撫嚴飭局員按年彙報以省公牘而昭覈實並將鑄造行使章程迅速送部查核毋任宕延其已認提解練兵各費關係緊要仍令照數批解不得藉詞短欠得旨如所議行○戊辰 萬壽聖節 上御仁壽殿受賀○商部奏臣等接據臣部左參議王清穆由閩來函內開查閩商出洋以籍隸漳泉二郡者為最多廈門一埠為南洋僑客必經之途前與泉永道惲祖祁設立保商局詳請前閩浙總督許應騷奏明辦理光緒二十五年四月十五日奉 上諭著准其於廈門設立保商局遴選公正紳董妥為經理等因欽此當開辦之初遇事認真歸客利便廈商至今稱頌未幾惲祖祁去任當事者輒改用委員致滋流弊經御史葉恩雁奏參有案上年以整頓為名改轉商政局兼辦保商事宜仍復位置冗員並無紳董一人與聞其事每月開支薪水六百餘元防營兵餉一千餘元租用小輪五百餘元餘如修建武廟補助教會學堂經費均屬無謂濫支所收南洋歸客經費小呂宋新客護照舊客憑單諸費歲約四五萬元開除殆盡而於回籍華商未開切實保護關卡留難如故強鄰需索如故遇有械鬪案件牽涉拖累胥役擾害均如故雖商政局准給保護執照歸客知其不足深恃詣局請領者寥寥無

幾清程蒞廈後即調查該局辦事情形並就本地紳商詳加諮訪因悉該局提調丁燮候補知府駱騰衡
疲玩因循執拗任性於商人請辦保商與商事件批詞游移動加駁斥其弟該局委員丁燮候補鹽大使
駱康濫竽局差無所事事均爲輿論所指摘竊思保商事宜從前欽奉 諭旨原應遴選公政紳董妥爲
經理若如近年一切由官場主持反令商民情形諸多隔膜實與奏案不符現在廈門既經設有商務總
會提倡保護是其專責此後一應保商事宜應請責成該商會選派會員另定妥善章程認真經理以除
積弊而慰民生實於閩省商務大有裨益等語臣等竊維興商之政首重招徠近年迭奉 諭旨嚴飭地
方官於回籍華商切實保護不啻三令五申官斯土者宜如何仰承 德意實力奉行如該參議來函所
稱種種弊端殊出情理之外若不亟予革除不特閩省一隅永無蘇息之望且恐海外僑民聞風裹足轉
絕其輸誠內嚮之意關係大局良非淺鮮臣等再四思維似非按照該參議所籌將閩省保商事宜改歸
廈門商務總會經理運山臣部管轄不能漸收實益方今 朝廷重視商政於內渡華民尤切軫念可否
明降 諭旨准將廈門保商事宜改歸該商會選派員董認真經理以專責成一面由臣部嚴飭該會董
等另定妥章切實保護所收歸客經費及護照憑單諸費統歸商會存儲核實開支積有盈餘可備整頓
地方商業之用仍按季造具清冊呈報臣部稽核至廈門商政局係興泉永道爲總辦廈防同知就近參

預局務應仍其舊俾與商會遇事維持聯爲一氣該道等本係現任人員毋庸另支薪水至提調委員各名目修建補助諸捐項一律悉予裁撤以節浮費其防營兵餉一項仍按月由商會解交商政局支放此項防勇遇有護送歸客等事應准該商會隨時酌請派撥以資保衛其餘未盡事宜准由該商董等體察情形隨時稟由臣部奏明辦理如此力加整頓不但商民浹洽情誼易孚且與前奉 諭旨遴選公正紳董妥爲經理之意相合 上諭商部奏廈門商政局積弊請將閩省保商事宜改歸商務總會經理一摺現在振興商政關係緊要華商回籍迭經諭令地方官切實保護茲據該部奏稱廈門商政局種種弊端實屬不成事體嗣後廈門保商事宜著卽改歸商務總會選派員董認真經理仍由該部責成該會董等妥定章程力加整頓並飭該管道員等遇事維持聯絡一氣以資保衛○己巳 上奉 慈禧端佑康頤昭豫莊誠壽恭欽獻崇熙皇太后還海○諭軍機大臣等有人奏浙江巡撫趙爾巽奏藩司翁曾桂貪黷不職請旨查辦一摺著崇善按照所參各款秉公確查據實具奏毋稍徇隱原摺著鈔給閱看將此諭令知之○庚午 上請 大高殿 壽皇殿行禮○辛未賞慶恩副都統銜作爲西翼辦事大臣○調延祉爲庫倫辦事大臣○外務部商部奏光緒三十一年三月十六日准軍機處鈔交雲貴總督丁振鐸奏雲南省城商務日漸繁盛擬請卽設商埠以擴利權一摺本日奉 硃批該衙門議奏欽此欽遵到部查原奏

稱近年各省內地如有形勢扼要商賈薈萃之區迭經內外臣工奏請開埠通商如直隸之秦皇島福建之三都澳湖南之岳州山東之濟南等處均奉 旨允准歷經遵辦在案雲南地處極邊外來商賈本屬無多比年以來蒙 恩思茅騰越先後開關中外通商貿易漸臻繁盛滇越鐵路轉瞬暢行省會要區商賈尤爲輻輳自不得不開商埠以保主權茲據雲南紳士翰林院編修陳榮昌等稟稱省城南門外得勝橋地方爲官商往來孔道貨物駢集市廛櫛比且與車站附近應請援山東湖南等省成案就該處開作商埠實於交涉商務利權均有裨益等情前來查所稟係屬實情今昔形勢既有不同亟應採案請將雲南省城開設商埠以便通商而擴利源等語臣等竊維開埠通商固屬中外交接其益尤貴由我自握其權從前沿海沿江各處俱係約開口岸其租界內工巡等事多由外人辦理迨光緒二十四年總理各國事務衙門奏准直隸之秦皇島福建之三都澳湖南之岳州添開通商口岸實爲自開商埠之始上年北洋大臣袁世凱等因膠州鐵路已通至濟南省城奏請在濟南城外自開商埠亦經外務部議覆奉 旨允准在案雲南雖地居邊遠向來商務無多惟現在滇越鐵路轉瞬即通從此門戶洞開形勢正與濟南相同自應先事籌畫以期振興商務而保主權今雲貴總督按案奏請在雲南省城外開設商埠係爲因時制宜自擴利權起見擬請准照所請辦理如蒙 俞允應由該督查照各處自開口岸辦法預備一切事

宜俟議妥章程卽行奏明定期開辦再由外務部照會各國駐京使臣查照並飭飭總稅務司遵照辦理
得旨如所議行

光緒一百九十五

臣朱壽朋敬編

臣潘鴻鼎校

秋七月壬申朔時享 太廟 上親詣行禮○端方奏改練新軍需才孔亟擬倡設陸軍速成學堂歲需銀五萬兩由善後局隨時籌撥下所司知之○袁世凱奏中國電話前於光緒二十五年十一月經侍郎臣盛宣懷奏准歸併電局辦理臣等按辦電政後於廣東天津北京等處先後籌設電話又庚子以後丹商濮爾生在天津一帶設立電話經飭電局與該洋商竭力磋商備價收回統計京津粵三處開辦電話暨常年開支所費不貲惟賴電話為電局獨得之利權所冀通行漸廣收其餘利以為彌補乃近來各通商口岸洋商在租界自設電話久已無可爭辨又往往以接至內地為請侵奪權利莫此為甚雖經電局堅拒而既未明定辦法防範殊難相應請 旨聲明中國電話准歸電局經辦除通商口岸已設之電話外無論何地何人凡未經中國政府及電局允准者概不准擅設電話以保電利而維主權並請 飭下外務部查照立案下外務部知之○袁世凱奏電報為郵政樞紐中國自創設電報以來久荷 朝廷保護買回外洋水綫推廣各地陸續逐漸及川省前奉 旨電政改歸官辦准各商照舊附設收回

國家應有之權仍與商民共利爲中國最完全商務而外人未干預之政權近聞泰西創設無線電報並有暗中闖入中國之事查各處修造鐵路沿路安設電綫已慮鐵路所經一帶所有電報商利爲其所奪經臣等籌議設法限制咨商外務部與各處鐵路議定專條以保電利今無線電機係主爲輕便之物隨地可設大爲防不勝防伏查英國無線電報則例凡未領執照者不准私立無線電臺及私用無線電機無論在岸在船必先稟請郵政大臣商妥海陸軍衙門及商務處然後發給執照其領照者須遵例施行方可安設違者罰款監禁或罰作苦工電具充公等因察其防範之嚴可知私設之害臣等查電政爲國家特權現既設官專辦所有各路商電各省官電均歸電政大臣統理外洋新創無線電報輕巧便利最易闖入中土自應援照公例聲明除津榆通道一帶各國駐兵未撤以前應照另案辦理無論何國何人一概不准在中國境內私設無線電報如不遵行按例科罰其中國各處海陸軍隊或有需用此項無線電報者應隨時知照電政大臣辦理臣等爲電務緊要保持商政利權起見相應請 旨飭下外務部查照立定下外務部知之○癸酉 上奉 慈禧端佑康頤昭豫莊誠壽恭欽獻崇熙皇太后幸頤和園駐蹕○溥儀等奏謹送德國福親王自京取道張家口由臺站至庫倫恰克圖赴西北里鐵路共用馬匹駝隻等銀三千七百五十四兩請作正開支並免造報細數以省文牘下部知之○乙亥諭軍機大臣等

翰林院奏酌籌經費興辦實學一摺翰林院本爲儲才之地研求實學培植成材實爲當今要務所需購置儀器等費著各省督撫按照所請酌定數目逐年籌解以資興辦原摺著鈔給閱看將此各諭令知之○丙子諭巡警爲方今要政內城現辦工巡局尙有條理而應實力推行所有五城練勇著卽改爲巡捕均按內城辦理著派左都御史壽耆左副都御史張仁黼會同尙書那桐通盤籌畫認真舉辦以專責成原派之巡視五城及街道總御史著一併裁撤陳壁亦著毋庸管理一切未盡事宜及裁撤五城御史後詞訟案件應如何督飭審理之處著那桐等妥議章程迅速具奏○己卯政務處奏五月二十一日准軍機處鈔交盛京將軍趙爾巽調任兵部左侍郎鐵良會奏妥議 東西陵守護及歲修各章程一摺奉旨政務處議奏欽此 等詳釋原奏第一條守護章程所擬督兵巡邏添員值宿并祭之次日入內周視以及另備鑰匙封固輪交各節均爲先事預防起見應請照辦原奏第二條預防工程章程查工程情形積微成巨係屬一定之理所擬增添 東西陵歲修銀兩資成承辦事務衙門查明一切情形隨時修補并王公上祭互相稽核各節均應敬謹照行至多開數井置水龍水鎗水桶等事應責成各該大臣妥慎經理督令勤加練習以免有名無實原奏第三條修工程程查修理 陵工理宜慎重祇以敬謹之過漸至流爲廢弛原奏所陳自係實在情形其酌量變通各節於趨事赴工之中仍不失潔清整肅之誼自應

准如所請仍責成守護大臣承修大臣遵照新章妥慎辦理原奏第四條籌添經費查守護大臣原領養廉銀兩及總兵月支養廉並例支各項銀兩既據原奏內稱均非基裕似應量從優給所請 飭下戶部直隸總督籌給津貼之處恭候 欽定至另籌補蠲生息銀一萬兩擬請由戶部如數提存所得生息銀兩若干每年由守護大臣派員赴部支領其直隸藩運庫欠解之款應由直隸總督查明分別催提原奏第五條寬定公罪處分查處分愈重規避愈巧亦屬實情所請寬定公罪處分一節自應由兵部核議請旨遵行原奏第六條酌改官弁升途查用人之道不外激勵所請酌改升途自係爲鼓勵官弁起見應如所擬由內務府兵部核議請 旨辦理原奏第七條籌生計第八條興教育查八旗兵弁失養失教已非一日所擬各節至關本計惟究寬八旗閒散及內務府幼丁能挑新軍若干應設學堂幾處及如何練習紡織廣興學務之處應由守護大臣核實籌計奏明請 旨飭下戶部直隸總督酌撥經費並咨商京旗練兵大臣辦理等因伏維 陵寢重地理宜嚴密防護之法不厭求詳該將軍等所擬章程因時變通均極周妥俟奉 旨後先由臣等鈔錄原奏咨行守護大臣承修大臣敬謹遵辦其餘籌經費寬處分改升途各節俟各衙門覆奏後另行知照辦理得 旨守護 東西陵大臣馬蘭奏寬總兵每員每年均著賞加養廉銀一千兩餘依議該衙門知道○辛巳屆歲奏江南義賑彩票前經奏准招商承辦現屆期

滿清仿照湖北辦法改歸官辦下部知之○周馥奏准出使奧國大臣楊晟函開本年二月間在維也納宮謁見奧主謂中奧兩國夙敦睦誼比聞中國整軍經武深願協助從前曾有學員來奧練習陸軍倘此後有人續來定必切切教習武員盡心指授等語查奧國陸軍講求根柢最爲精詳從前曾派員前往練習頗著成效現駐德使臣廕昌卽爲從前留奧學員之一今奧主極意聯歡若派學員來奧學習當必周妥等因查前署兩江督臣端方選派學生游學英德法比四國業經辦有成案奧國武備既精若援案考選學生前往游學必能獲益茲擬遴選普通德文之學生十名前赴奧國就其才性特學加習馬步工輜等項武備以爲行陣儲材所有匯支學費及稽查約束等事卽由駐奧使臣就近照料毋庸專派監督以省繁費下所司知之○甲申 上奉 慈禧端佑康頤昭豫莊誠壽恭欽獻崇熙皇太后還海○以薩鎮冰爲廣東水師提督○乙酉續派商部右丞紹英爲出洋考察政治大臣○諭軍機大臣等有人奏常鎮道郭道直年老智昏信用委員邵文炳等勾結妄爲著周馥按照所參各節確切查明據實具奏毋稍徇隱原片著鈔給閱看將此諭令知之○李經羲奏廣西連年用兵地方糜爛一切糧餉軍火賑恤工需支應數倍於昔錢糧稅釐歲入有常更有因匪亂而較前益絀者雖近年應需餉項迭奉部撥鄰省協助多未能如數解到以前額協籌餉則更欠如山積臣前請開辦實官捐固知勢成勢衰永極望稍資接濟

乃以捐軍塞隘招徠無方數月以來上兌僅及千金徒有虛名無裨實用竭蹶異常深滋愧疚臣維處困瘁交乘之地當搜括已盡之時無衛生財惟圖節用月支軍需勇餉爲數最鉅欲節餉款當議裁兵連日督同營務處司道按現在情形通盤籌議除邊防關繫重要欽派督辦大臣駐軍防守未便輕議外廣西腹地尚設防營勇丁本不敷分布防範難周以致匪徒生心推原布防單薄之故實因歷年擲墊邊防營餉積累深重銅力不繼周顧爲難然彼時沿邊一帶猶時賴邊軍兵力策應防剿近則邊防大軍屯駐龍州專司訓練南太鎮色泗以迄滇邊二千餘里不復見邊營蹤跡又須多增勇營分值沿邊防剿前撫臣柯逢時到任後察知各處情形岌岌可慮會商督臣增設防營復將通省綠營奏明裁汰改令各屬地方官挑募土著親兵規模粗備意圖節餉則較綠營原額增多兵數猶不足相抵勢以分而難合祇足就地方防禦未能戰守兼資分應調撥各處大股游匪糾合動輒數千多賴客軍分投堵剿方克戡定自去冬今春以來番番臣岑春煊以餉項難籌陸續裁撤綏遠軍前右兩營棠字中左右三營觀字一營捷字一營前後兩哨定武軍中左兩營成字正副兩營忠字兩營喜字一營廣東常備中軍兩營又廣東常備軍左右兩營銘字中左右三營雲南富新前營一營富左一營湖南忠字兩旗統計前後共遣撤二十二營兩旗兩哨又調回廣軍衛隊一軍是客軍已撤調過半遺散數亦不少此時地方固無成股賊匪大肆

猖獗而柳州慶遠思恩一帶暨忻城那地各土屬匪根較深餘黨潛匿雖借兵力助圍拿辦無如匪黨極多驟難搜剔盡淨且通省防地過廣目下仍在極力搜捕未可遽令空虛就地裁遣之勇又豈能盡安農業者人數過多遣散過驟似覺均有未宜所有現存客軍自應從緩裁遣俟秋後察覈情形分別妥議以免疏虞迭經電商督臣查核酌辦至本省防營力難周布當此客軍裁撤卽有餉有將尙慮募練填防勢難猝辦其不能因餉絀再行裁減更不待言臣惟督同司道設法支持以盡心力所能報聞○丙戌上詣 奉先殿 壽皇殿行禮○孫家鼐等奏本年三月二十日軍機處片交法律大臣奏請專設法律學堂一摺又奏請在各省課吏館內添設仕學速成科講習法律片均奉 旨學務大臣議奏欽此原奏內稱新律修定亟應儲備裁判人材宜在京師設一法律學堂考取各部屬員入堂肄習畢業後派往各省爲佐理新政分治地方之用課程比照大學堂奏定學科酌量損益常年經費每年約銀四萬兩由各省分籌撥濟開辦經費約需銀三萬兩請歸戶部籌撥各員畢業後請簡派大臣詳加考驗分別等差交部帶領引 見按照原官品級以道府直隸州州縣等官請 旨錄用各等語臣等查奏定章程大學堂政治專科法律學門所列科目備詳中西法制原係儲備佐理新政之用惟須俟豫備科及各省高等學堂畢業學生升入現在預備甫設專科尙未有人伍廷芳等所請專設法律學堂實爲當務之急自應准如

所請卽由該大臣等詳議章程奏明辦理學員就部屬考取是照仕學館辦法多加授課鐘點縮減畢業年限是照速成科辦法畢業後應請簡派大臣會同學務大臣詳加考驗列定等第分別年限比照仕學館獎勵章程酌量辦理開辦及常年經費應請 飭下戶部及各省酌量籌撥惟此項學員原爲大學堂政法專科未備急需用人而設將來專科畢業人才日出應時酌議歸併以節經費而符定章又原片內稱請在各省已辦之課吏館內添造講堂專設仕學速成科自候補道府以至在雜年在四十以內者均令入學肄業本地紳士亦准附學聽講課程參照大學堂法律學門所列科目及日本現設之政法速成科以六箇月爲一學期三學期畢業每一學期後由督撫率同教習面試一次畢業後由督撫將學員職名考試分數造冊咨送京師政務處學務處吏部刑部以備察核各等語查各省課吏館業經備設尙無專治法律一門近日直隸議設法政學堂所列科目頗爲詳備與該大臣等所擬辦法相合於造就已仕人才佐理地方政治深有益誠請 飭下政務處通行各省並查取直隸法政學堂章程酌酌地方情形認真辦理隨時咨報政務處學務大臣吏部刑部存案備核得 旨如所議行○戊子 上詣 泰先殿 壽皇殿行禮○己丑 上奉 慈禧端佑康頤昭豫莊誠壽恭欽獻崇熙皇太后幸頤和園駐蹕○以四川巴塘兵事需款浩繁准援廣西等省成案開辦實官捐一年○庚寅貝勒銜固山貝子奕謨卒派

員勒戴滿帶領侍衛十員前往奠醊賞銀一千兩承繼孫溥佑加恩承襲奉恩鎮國公○丙申 上諭
壽皇殿行禮○道頤和園○以榮慶爲崇文門正監督鐵良爲副監督○命奉天府府尹廷杰開缺以待
郎候補前往奉天辦理墾荒事務○諭張人駿奏特參委員濫刑斃命臬司故縱徇隱請分別懲處一摺
廣東候補知縣劉宗瀚承審盜犯麥亞兆並不虛心研訊連將該犯濫刑致斃臬司程儀洛倒列月册有
心徇隱實屬咎無可辭劉宗瀚著卽行革職程儀洛著交部議處○外務部奏光緒三十一年七月初八
日准軍機處鈔交湖南巡撫端方奏常德湘潭自開商埠籌辦大概情形一摺同日奉 硃批外務部議
奏欽此欽遵到部查原奏內稱湘省自岳州開埠章程一切尙稱謹嚴顧地處下游於湘省全境仍隔重
湖土貨貿遷無甚關繫又夙爲經過孔道並非商貨聚集之場故開辦多年洋商不樂僑居關稅亦從未
暢旺迨英日在上海訂商約仍不免於長沙開埠之要求長沙固省會要區然南來商貨率聚於長沙
上游外來商輪停泊暫經仍換內港執照上駛以就市場此他處開埠所罕有之辦法查湖南全省商務
本以常德湘潭爲兩大市場蓋黔滇百貨輸委中原由沅水經流以達上江流域無不以常德爲停儲改
運之區湘潭則西南路煤鐵等行棧所集河水寬深擅商場之形勢遠勝省垣而又萍鄉鐵路已達縣屬
洙洲尤爲交通要道派委司道就該兩處切實履勘查得常德東門外皇經閣一帶堪以建設商場惟地

較卑下尙須填築方能合用又對河之善卷村洲形勢略高或可預備擴充作為租界湘潭繁盛之處在城外西南一帶袤延十餘里英口商人二年前已援照內港章程在該處租設碼頭堆棧與長沙從前情事相同而該處人煙太密品類不齊未便即作為租界止能劃定河街一段為輪船停泊之處惟對河南岸驛枕山面水氣局較寬擬在該處指明界址為將來各國商家租建之區以上兩處均因迫於地勢故參用內港行輪附件中沿河兩岸之說不為指定一隅且免限制過嚴轉令範圍易越其各種章程則謹守岳州自開口岸諸章苟非於地方情勢大有不宜不欲輕為改動而所尤為注意者則地方巡警工程諸事必操之自我庶足泯異議而保治權至該處關務監督常德應歸岳州關監督兼辦湘潭應歸長沙關監督兼辦其開埠經費常德踞江漢岳州兩關之上流商務擴張局面自必恢闊建置各項未便過從減省擬請 飭下戶部先行籌撥的款二十萬兩以應要需仍責成該監督覈實動支逐款報銷不得略涉濫費湘潭與省城相離僅九十里輪船往還頃刻可達用人辦事兼顧非難應即作為長沙分關一切可從節省擬飭該監督暫從關稅項下提撥動支實用實銷勿稍浮習以上籌辦自開口岸各情均於開通商務之中力存保守主權之意如蒙 俞允應請 飭下外務部先行立案一面督飭洋務局司道暨該監督等會同覆議詳細章程再行咨部覆核並咨各國駐使定期開關等語 臣等竊維自中外通商口

岸已逐漸增添內地亦終難閉拒竊屬時勢使然湖南近年風氣大開正宜擴充商業該撫以常德湘潭爲全省商務最盛之區請於該兩處自關場以期保守主權自係切要辦法並擬以常德歸岳州關兼辦以湘潭歸長沙關兼辦亦屬簡便易行均應准如所請辦理其所勘定地段擬用沿河兩岸不爲指定一隅係參照內港行輪章程准各國商民在河道兩岸租設棧房碼頭之費與各口租界情形有所不同應俟議有詳細章程咨送臣部再加察核至開辦經費除湘潭卽由長沙關稅項下提撥外其常德一埠請撥的款二十萬兩應恭候 命下再由臣部咨行戶部查照成案酌量籌撥得 旨如所議行○丁酉命署兵部尚書戶部右侍郎鐵良在軍機大臣上學習行走○商部奏光緒三十一年七月十七日學務處會同臣部戶部具奏議覆御史王念銘奏請添設藝徒及初等中等各學堂一摺本日奉 旨著由崇文門溢徵稅項撥給三成欽此仰見 朝廷教養兼施有加無已之意欽服莫名臣等伏查該御史原奏內稱商部奏設高等實業學堂係爲整頓工業起見應照定章添設藝徒及初等中等各學堂招募貧民子弟之年力合格者酌量錄取實令學習工業等語誠以京師各項中小學堂建設尙少貧民子弟未能普受教育卽地方粗淺工藝竟一無所能遂至窘於生計該御史所奏請添設藝徒及初等中等各學堂實係注重工業爲教育貧民子弟起見自應次第興辦雖查奏定學堂章程所列各種實業學堂分農業

工業三項惟工業祇有高等中等而無初等蓋以初等工業卽包括藝徒學堂之內臣部上年奏設高等實業學堂專爲研究高等工業而中等及藝徒學堂限於款項未能同時並舉茲蒙 特頒帑項俾資次第擴充凡屬士民莫不同聲感頌遵飭臣部右丞高等實業學堂監督紹英悉心籌議據稱藝徒學堂擬卽作爲初等工業學堂附屬高等實業學堂內辦理卽於該學堂左近建築工場考取藝徒二百聘訂技師分科教授並於其中遴選聰穎藝徒二十名資遣北洋等處工廠學習俟學成調回備充班長之選於教授藝徒尤有裨益其中等工業學堂擬先行訪覓合式地基籌築校舍一面遵照奏定中等實業學堂章程由各處高等小學堂咨取考驗合格學生俟考取足額校舍修建完備卽行開學其各學堂章程尙須詳細擬訂等語臣等查所籌辦法尙屬周妥惟現在該監督紹英奉 旨派赴外洋考察政治臣等飭該員就便將各國工業學校規則詳細調查俟回京時再行參酌擬訂章程以期周備得 旨如所議行○戊戌命鐵良充政務處大臣○周馥奏查明三江礦產所在擬招商試辦並出示禁止私售下商部知之○錫良奏提馬維祺等軍進攻巴塘迭見二郎灣雲南橋等處業經奴才等據陳大要電奏以紓宸廑查前次邊荒偏亂勢甚披猖追經臣奏明派令留川當差之已革廣西補用道錢錫寶先往鎮城近察番情速窺敵勢尤以宣布 朝廷威德遂使旬結附和之衆翻然解散於是巴匪一無援助而我軍得

以專力斬其關隘引兵深入馬維驥與趙爾巽均稱該革道費盡戎幄機謀洞中自應先予激勵俾該革道益知奮發迅往剪滅雄徒安輯緝蠻卽凡在行間亦皆有感恩之志合無仰懇 天恩准將已革道員錢錫寶銷去永不敘用字樣庶策後效而竟全功得 旨如所請行○庚子趙爾巽奏奴才奉 命兼管五部事務當將接管之期先後奏報在案伏查五部體制所以隆重 陪都今昔異宜道窮則變主裁之議衆論若一 朝廷折衷至當因時制宜上年奴才入覲 天顏卽奉裁撤五部之 諭到任以後悉心考察愈服 聖斷之明蓋自光緒初年前將軍崇實奏定將軍一缺兼管兵刑二部並管帶金銀庫印鑄稽核戶部其餘各部事務均令與將軍商辦事權已屬將軍徒以名目尙在界限顯分歷任將軍部臣雖亦力圖救挽無如積重難返事權不專自弊叢生胥棍於此若仍循舊辦理則奴才今日之兼管與往年崇實之兼管無殊不予革除難言整頓此中利弊久在 聖明洞鑒之中固無俟奴才多瀆惟其中有關係重要者如禮工兩部所管典禮工程等事自應敬謹妥籌有頃緒紛繁者如戶兵兩部所管租稅驛站等事自應詳細稽考其餘部務紊亂居多則欲裁撤非先行歸併不可奴才現飭文案處人員按照部務分股辦事選五部諳悉公事明白大義之司員數人檢齊則例檔案來轅以備顧問而資接洽奴才躬親督飭逐項清理當裁者裁當改者改當併者併擬定辦法分別具奏請 旨施行一俟諸務清理就緒卽

將五部衙門員缺分別留撤改用以副 朝廷整飭官常實事求是之至意得 旨如所請行○丁振鐸奏滇省南通閩越北達黔嶺崇山峻嶺舟楫不通而自來五金礦產蘊藏甚富近以民間生計極難公家度支竭絀外省富商大賈畏途險運轉運艱難商務日形疲滯居今日而講求財固非鐵路不爲功況滇處極邊尤非興辦鐵路不足以自保利權而固封守查滇越鐵路由法訂約修築現正逐段趕辦尅限程功商務之暢興計日可待前據滇紳在籍翰林院編修陳榮昌等請在雲南省城自開商埠經臣奏明在案竊念由滇至越路遠外洋由滇至蜀縣屬腹地滇越既通鐵軌川漢亦已籌修中間相隔僅一千餘里撥情審勢斷難任其間隔不通亦斷無出境之鐵路已通而內地轉終於隔閡之理且及此不辦又將坐失先機臣與司道等再四商酌意見相同正欲陳請籌辦適據雲南在籍紳士翰林院編修陳榮昌庶吉士羅瑞圖李坤主事倪惟誠張忠胡壽榮道員徐秉和李光翰王鴻圖馬啟祥湯曜知府何紹堂等稟稱鐵路之利中外所爭然自辦則利歸諸己人辦則利屬諸人滇越路其往事矣一旦告成自滇通蜀之路勢將接踵而來若不及早籌維自行開辦必貽後悔卽湖南廣東等省亦屬前車伏思川漢鐵路曾經四川總督奏准開辦滇省事同一律該紳等查得雲南省城連四川之瀘州敘州等處計程皆千餘里修築之費約需一千數百餘萬兩且路達川黔三省官民合力集股衆難易舉當不甚難擬請興築滇蜀

鐵路設立公司定期開辦仍照川漢鐵路章程專集華商股本期與川漢漢越兩路首尾銜接脈絡貫通商務必日臻起色利權亦不致外溢等情請予核奪前來臣查該紳等所擬興辦漢蜀鐵路實於商務交涉兩有裨益明知款鉅工艱而眾議攸同勢不可緩惟當竭誠籌維官商通力合作以保利權而興商務如蒙 俞允再由臣分咨川黔督撫臣督飭官紳設立公司安定章程合同奏明辦理下所司知之

八月壬寅召張翼來京○諭御史王步瀛奏各省工商抵制美約風潮過激請飭加意防範以維大局一摺前據外務部王大臣面奏美國工約一事迭經出使大臣梁誠及外務部先後與美政府商議美政府已允優待華商及教習學生游歷人等並允於議院開時盡力公平妥辦各在案昨據該御史奏稱公憤既興人眾言厲難保無宵小生心乘機竊發恐誤大局等語亟應明白宣示以免誤會而釋羣疑中美兩國陸路素敦從無彼此牴牾之事所有從前工約業經美國政府允為和平商議自應靜候外務部切實商改持平辦理不應以禁用美貨輒思抵制既屬有礙邦交且於華民商務亦大有損失迭經外務部電行該省督撫曉諭商民剴切開導務令照常貿易共保安全著再責成該督撫等認真勸諭隨時稽查總期安恬樂業毋負朝廷諄諄誥誡之意倘有無知之徒從中煽惑滋生事端即行從嚴查究以弭隱患將此通諭知之○癸卯飭各省督撫多派學生游學歐美○諭前經降旨諭令各省選派學生出洋游學該

督撫已陸續遵照辦理惟所有派出之學生皆應講求實學專科以期致用毋得避難就易徒託空言著各視其性之所近實令分門肄習殫心研究務底專精畢業回華考試合格優予出身用備器使現在留學東洋者已不乏人著再多派學生分赴歐美俾宏造詣各該學生遠涉重瀛將爲國家効用朝廷深爲嘉許各出使大臣皆有監督之責當視學生如子弟隨時考查無論官費自費如能堅苦嚮學志正品端應一體認真飭護其資斧不繼染患疾病者卽酌量情形分別體恤如有不守範圍之生亦卽嚴加約束冀廣成才毋稍膜視用副朝廷培植人才實事求是之至意○甲辰袁世凱等奏科舉之弊古今人言之綦詳而科舉之阻礙學堂妨誤人才臣世凱臣之洞等亦迭經奏陳久在 聖明昭鑒之中無煩縷述以演 宸聽是以前奉 諭旨遞減科舉中額期以三科減盡十年之後取士概歸學堂固已明示天下以作新之基而徐視夫時機之至所以爲興學育才計者用意至爲深遠臣等默觀大局熟察時趨覺現在危迫情形更甚曩日竭力振作實同一刻千金而科舉一日不停士人皆有微倖得第之心以分其砥礪實修之志民間更相率觀望私立學堂者絕少非公家財力所能普及學堂決無大興之望就目前而論縱使科舉立停學堂徧設亦必須十數年後人才始盛如再遲至十年甫停科舉學堂有遷延之勢人才非急切可求又必須二十餘年後始得多士之用科舉夙爲外人詬病學堂最爲新政大端一旦毅然決

然舍其舊而新是謀則風聲所樹觀望益傾學且刮目相看推誠相與而中國士子之留學外洋者亦知進身之路歸重學堂一途益將勵志潛修不爲邪說浮言所惑願收有用之才俊隳賊不虞之詭謀所關甚宏收效甚鉅且設立學堂者並非專爲儲才乃以開通民志爲主使人人獲有普及之教育具有普通之智能上知效忠於國下得自謀其生也其才高者固足以佐治理次者亦不失爲合格之國民兵農工商各完其義務而分任其事業婦人孺子亦不使閒處而興教於家庭無地無學無人不學以此致富奚不富以此圖強奚不强故不獨普之勝法日之勝俄誠者皆歸其功於小學校師即其他文明之邦強盛之原亦孰不基於學校而我國獨相形見絀者則以科舉不停學校不風士心既莫能堅定民智復無由大開求其進化日新也難矣故欲補救時艱必自推廣學校始而欲推廣學校必自先停科舉始擬請宸衷獨斷雷厲風行立沛 綸音停罷科舉庶幾廣學育仁化民成俗皆基於此雖然科舉停矣尙有切要之辦法數端學生乃可相維於不敝一在於首經學也或慮科舉一停將至荒經不知習畢業者未必皆湛深經術但因科場題目所在不得不記誦經文又因詞章敷佐之需不得不掇拾經典故自四書五經而外他經多棄置不觀即五經亦不皆全讀讀者亦不盡能解是何與於傳經今學堂奏定章程首以經學根柢爲重小學中學均限定讀經溫經時刻不准減少計中學畢業共需讀過十經能通大義

而大學堂通儒院均設有經學專科餘如史學文學理學諸門凡屬學所有者皆包括無遺且較爲詳備蓋於保存國粹尤爲兢兢所慮辦學之人爲新厭故不知學經則雖諸生備讀各種科學亦僅造成一汎濫無本之人才何濟於用應請 飭下各省督撫學政責成辦理學務人員注意經學暨國文國史則經學非但不虞荒廢抑且日見昌明一在於崇品行也查科場試士但憑文字之短長不問人品之賢否是以暗中摸索最足爲世詬譏今學堂定章於各科學外另立品行一門亦用積分法與各門科學一體考核同視分數共分言語容止行禮作事交際出游六項隨處稽察第其等差至考試時亦以該生平日品行分數併計合算而應聲明定章請 飭各省認真遵辦則人人可期達材成德自不至於越矩僞規一師範宜速造就也各省學堂之不多悉不在無款無地而在無師應請 旨切飭各省多派中經已通之士出洋就學分習速成師範及完全師範兩種尤以多派舉貢生員爲善並於各省會多設師範傳習所師資既富學自易興此爲辦學入手第一要義不容稍涉遲緩一未畢業之學生暫勿率取也各省設立學堂遲早不一程度不齊或學業有期或畢課尙早若不待畢業驟加考試則苟且速成弊將日滋若必待全行畢業則各省之辦學校選書必至缺其選舉士林又將失望今籌一通融辦法既不同科舉之敷衍故事亦不向學堂而遷就濫登要使取士仍歸學堂之中學堂不蹈科舉之弊擬請此數年內除學堂

實係畢業者屆期奏請考試外其餘則專取已經畢業之簡易科師範生予以舉人進士之出身既可以勸教育之員廣教育之基並矚以勵績學而杜倖進外國無速成小中高等各學而有速成師範學具有深意至五年以後完全師範生畢業者已多更足以應選舉而有餘此等師範生類皆國文已優學術純確斷無流弊且多係舉貢生員爲之本可以得科第之人亦非僥倖迨十年以後各省學堂逐漸畢業人才濟濟更可不窮於用一舉學應舉之寒儒宜籌出路也文士失館生計頓感除年壯才敏者入師範學堂外其不能爲師範生者擬而安分則困窮可憫不肯而無賴或至爲非生事亦甚可愛擬請十年三科之內各省優貢照舊舉行已酉科拔貢亦照舊辦理皆仍於舊學生員中考取其已入學堂者照章不准應考惟優貢之額過少擬請按省分之大小酌量增加分別錄取 朝考後用爲京官知縣等項三科後再行請 旨其中已中舉人五貢者此三科內擬令各省督撫學政每三年一次保送舉貢若干名略照會試中額加兩三倍送京考試凡算學地理財政兵事交涉鐵路礦務警察外國政法等事但有一長皆可保送俟考試時分別去取試以經義史論一場專門學一場共兩場其取定者酌量用爲主事中書知縣等官如此則鄉試雖停而生員可以得優拔貢會試雖停而舉貢可以考官職正科舉之名專歸於急需之學堂廣登進之途藉恤夫舊學之寒士庶乎平允易行各得其所少長同臻於有用新舊遞嬗於無

形矣以上五條皆停科舉後最爲切要之端而行之可期無弊應請一併 飭下各省督撫學政切實遵辦至各省學堂未辦者宜從速提倡已辦者宜極力擴充以及各堂學生之良莠與夫辦理學務人員之功過均應隨時認真考察分別懲勸亦皆各省督撫學政所不得稍辭其責也 上諭袁世凱等奏請立停科舉推廣學校並籌辦法一摺三代以前選士皆由學校而得人極盛實我中國興賢育才之隆軌卽東西洋各國富強之效亦無不本於學堂方今時局多艱儲才爲急朝廷以近日科舉每習空文屢降明詔飭令各省督撫廣設學堂將俾全國之人咸趨實學以便任使用意至爲深厚前因管學大臣等議奏已准將鄉會試中額分三科遞減茲據該督等奏稱科舉不停民間相率觀望欲推廣學堂必先停科舉等語所陳不爲無見著卽自丙午科爲始所有鄉會試一律停止各省歲科考試亦卽停止其以前之舉貢生員分別量予出路及其餘各條均著照所請辦理總之學堂本古學校之制其獎勵出身又與科舉無異歷次定章原以修身讀經爲本各門科學尤皆切於實用是在官紳申明宗旨有聞風興起多建學堂普及教育國家既種樹人之益卽地方亦與有光榮經此次諭旨後籌學務大臣迅速頒發各種教科書以定指歸而宏造就並著責成各該督撫實力通籌嚴飭府廳州縣趕緊於城鄉各處備設蒙小學堂慎擇師資廣開民智其各認真舉辦隨時考查不得敷衍瞻徇致滋流弊務期進德修業體用兼賅共副朝廷

廷勸學作人之至意○乙巳 上奉 慈禧端佑康頤昭豫莊誠壽恭欽獻崇熙皇太后遺海○袁世凱奏 前於直隸省城邊 旨創設保定警務局並添設警務學堂將擬定章程於二十八年七月初五日專摺奏陳欽奉 硃批知道了著即認真舉辦逐漸推行單併發欽此欽遵在案嗣經 飭各屬一律仿辦現據各州縣陸續稟設者雖已有九十餘處而大半有名無實惟天津爲通商巨埠華洋雜處辦理尤爲注意三年以來次第改良奸宄不行閭閻安堵成效昭著中外翕然祇以財力未充僅及城廂尙遺村鎮查外國警察之制上通政府下達窮鄉就地抽捐以取諸民者仍用諸民故官無辦款之勞民無橫征之怨證諸周禮修閭野廬之職管子軌里連鄉之制今古同符 臣維立法貴乎因時時既至則迎機易導治民期乎立信信既孚則下令如流因督飭天津巡警總局道員趙秉鈞先從天津四鄉辦起以爲各屬模範該道心精力果遇事講求呈擬章程十二條業經試辦數月所需經費以地方本有之青苗會支吏費及賽會演戲一切無益有餘之款酌提充用視村莊之大小定警兵之多寡殷富之區按五十戶出一名荒僻之區按百戶出一名初次清查四鄉共有七萬五千四百七十八戶暫定巡警七百二十四名月餉由村董酌定支給官不經手其總分局區官弁薪工馬匹雜支月需銀一千八百餘兩應由官發給以示體恤開辦之初先從清查戶口入手酌定禁令務去民害犯者名曰違警由巡官受理卽警察應有之

司法權也此外命盜戶婚田土等案仍歸地方官管理則地方官固有之裁判權也次在維持治安凡有關於公共利害之事官紳聯合徐叢興革但使實力奉行綿歷歲月不獨鄉曲愚民漸明公理漸知公益汛兵衛役亦可以次裁撤僅科傳案則一呼即至無擾累之虞募兵退伍則有籍可稽無頂替之弊一切興學校清賦稅推行新政移風易俗有事半而功倍者即天津一縣計之城鄉人民共有七十六萬一千八百九十七口之多實成知縣一身雖賢者不能爲治遠稽漢代鄉亭之職近師日本町村之法昔人謂小官多而天下治諒哉斯言 朝廷振興庶政百度維新方將更定裁判之權盡一地方之制惟學校囑民爲善而巡警禁民爲非道前定則不窮事易能則可久此臣所爲兢兢夙夜不敢苟簡自安者也此項天津四鄉巡警章程雖未必悉臻美備但據目前程度實爲新政根基下所司知之○周馥等奏新設江北提督奉 旨節制江北文武所有整飭地方一切事宜自較清督呼應更靈查江北幅輿遼闊清江迤西爲洪澤湖中屬安徽轄境北接微山湖半係山東轄境素爲鹽梟盜匪出沒之區向來兩省捕務不相關照以致匪類此拿彼竄擬請嗣後凡安徽山東兩省邊界相連江北各州縣緝捕重要事件江北提 臣見聞較近卽就近一面逕飭該州縣文武迅速辦理一面知會 臣並各省撫 臣通飭嚴拿倘或玩誤不力仍分畛域卽由提 臣知會各撫 臣參辦以期迅捷而靖地方得 旨如所請行○丙午以劉式訓充出使

法國大臣周榮曜充出使比國大臣黃誥充出使義國大臣○諭軍機大臣等有人奏江蘇徵漕折價違例病民請飭照市定價一摺著周馥陸元鼎按照所陳各項查核整頓據實具奏原摺著鈔給閱看將此諭令知之○諭昨已有旨停止歲科考試專辦學堂所有各省學政均著專司考校學堂事務會同督撫經理所有奉天府府丞兼學政著改爲東三省學政奉天府府丞一缺著卽裁撤○諭奉天府府尹兼巡撫事一缺著卽裁撤所有府尹原管事務均著黃成趙爾巽悉心經理○戊申祭社稷壇上親詣行禮○飭會議藏約大臣唐紹儀回京○己酉諭軍機大臣等有人奏疆臣昏庸徇縱墨吏虐良毀忠請飭查辦一摺據辦安徽亳州知州宗能徵工於營謀爲撫臣誠勳所信任平日貪賄枉法劣跡難以悉舉等語著周馥按照所奏各節確查具奏毋稍徇隱原摺著鈔給閱看將此諭令知之○庚戌上詣奉先殿壽皇殿行禮○上奉慈禧端佑康頤昭豫莊誠壽恭欽獻崇熙皇太后幸頤和園駐蹕○辛亥欽奉慈禧端佑康頤昭豫莊誠壽恭欽獻崇熙皇太后懿旨內帑銀三萬兩賑卹川沙寶山南匯崇明等處被水災民○諭朕欽奉慈禧端佑康頤昭豫莊誠壽恭欽獻崇熙皇太后懿旨周馥陸元鼎電奏稱本月初三四兩日風潮猛湧川沙寶山南匯崇明等屬沙洲居民被災淹斃人口至數千之多情形甚慘朝廷深爲憫惻著賞銀三萬兩由周馥等迅派委員先放急賑盡心撫恤毋任流離失所○癸丑以

長庚爲伊犁將軍○以汪大燮充出使英國大臣○江甯布政使黃建筦江蘇布政使效曾緣事解任○
諭前已有旨停止科舉及歲科考試飭令各省學政專司考校學堂事務嗣後各該學政事宜著卽歸學
務大臣考核毋庸再隸禮部以昭畫一○甲寅以恩銘爲江甯布政使袁樹勛爲江蘇按察使○以濮子
澂爲江蘇布政使陳啟泰爲安徽按察使○乙卯命盛宣懷往上海會同商約大臣呂海寰商訂中德商
約○丙辰練兵處奏准軍機處鈔交御史王振聲奏請申明軍禮力除輕侮弁兵積習一摺奉 旨練兵
處知道欽此據原奏內稱京外官員一與軍事多役使弁兵私宅門外每派守兵站街甚至官紳慶弔
市肆開張亦借兵丁列隊前驅分班立守以壯觀瞻外省則督撫司道堂參將弁跪而謁見長官學使過
境弁兵跪而送迎至於親軍戈什鞭鎧追隨奔走趨承相沿成習應請 旨飭下練兵處申明軍禮整飭
營規等語臣等竊維 國家之設兵也將以保民衛國禦侮折衝必使之愛惜聲名激揚志氣乃能忠義
奮發蔚爲節制之師自世俗重文輕武往往視若弁髦役如奴隸頤指氣使驅策從心不特妨礙操防亦
且玷損軍政是以臣處上年奏定編練新軍章程於服役制略內載所有營員均另設護勇專供營中雜
務概不准以私事役使正兵本年奏定軍禮及奏定兵隊不准違例迎送各節先後奉 旨通飭遵行皆
係爲革除積習鼓舞軍心起見今該御史所陳各節有爲臣處前奏所已及者亦有前奏所未及者自宜

一體整頓以作士氣而飭戎行擬請嗣後除衙署公所外凡官紳私宅市肆開張概不准借用軍人守門其紅白等事或經過地面官派巡警兵勇在場彈壓者不在斯例營中員弁非本營大員不准隨帶差遣並不得令與僕役爲伍一切功牌獎札翎頂概不准濫賞家丁以重名器似此明定限制俾人知重武兵氣日揚庶於整軍圖強之舉較有裨益如蒙 俞允卽由 臣處通咨京外各衙門一體遵照得 旨如所議行○丁巳商部奏 臣部於光緒三十一年七月二十七日准軍機處鈔交兩江總督周馥奏查明三江礦產所在擬招商試辦並出示禁止私售一片奉 硃批商部知道欽此欽遵鈔交到部查原奏內稱前准商部咨商民私賣礦產流弊滋多請嚴密查禁奏奉 諭旨依議欽此咨行欽遵在案茲據查勘三江礦務補用道陳際唐稟稱奉委查勘礦務經委員帶同礦師歷抵各處詳細詣勘現將江皖贛三省著名礦產逐一開呈計所產銀銅煤鐵各礦苗質甚旺且係官山居多現擬招商集股試辦飭地方官查照前案欽遵 諭旨出示諭禁私賣明定限制庶幾弊端可清免滋後來糾葛等語 臣等查卅人之利載在古經徒以研究無人以致千百年來菁華未洩若不早爲整理則富藏於地而不自知殊爲可惜今兩江督臣首先遵 旨派令專員將江甯江蘇江西安徽等省產礦之區一一勘明以期招商試辦洵屬整頓綱有裨要政除由 臣部咨行該督 臣將詳細辦理章程送部核訂通行並派員再加探勘詳細里數外其

餘各省不乏著名礦產自應一律援照辦理相應請 旨通飭各直省將軍督撫迅即籌設礦政調查局專選諳練廉正之員咨由臣部加札作為礦務議員令其酌帶熟識礦產之工師周歷各府廳州縣詳為探勘凡礦地坐落官民界址礦質苗綫隱顯短長均一一記載明晰隨時報部並由臣部擬刊各省礦產表令按表填送與臣部前飭各省填送已開各礦之礦務總表相輔而行庶各省寶藏瞭然心目之間而每歲辦礦情形有無起色臣部即可藉以稽核夫辦事之要在專其責任尤必嚴其考成否則各省多設一局多委一差循名而未嘗核實其於商政仍無裨補擬請自此次奉 飭辦理後由臣部咨行各將軍督撫嚴飭所屬除將已開各礦照前給之表式填送外其未開之礦即按照兩江總督所奏辦法迅速籌辦統計三年之內如查有切實探勘力事提倡確著成效之員准由臣部擇尤獎勵其敷衍塞責探勘未能確鑒致民間仍私相售賣者應請與該管地方州縣一併懲處如此懲勸兼施或於整頓礦務不無裨益 上諭軍機大臣等商部奏請飭清盤礦產以保利權一摺中國地大物博礦產之富甲於全球祇以研究無人遂致利源未闢又或奸徒勾結設謀售賣輾轉影射流弊滋多亟應澈底清盤認真整頓茲據商部奏稱周馥所陳委查三江礦產並集股試辦禁止私售各節有裨要政請飭各省一律援照辦理等語著各省將軍督撫卽行遵派諳練廉正之員酌帶工師周歷各屬切實探勘按照商部所發表式將已

開未開各礦逐一詳晰註明隨時咨報並按照兩江辦法迅即籌辦毋稍延緩其各省所派專員均准作為商部礦務員並由該部悉心稽察嚴定考成隨時請旨辦理以示勸懲總期權自我操利不外溢是為至要原摺著鈔給閱看將此各諭令知之○戊午以聯魁為甘肅新疆巡撫○以馮煦為安徽布政使和爾度額為四川按察使○以吳匡為山西按察使○諭商部奏振興東三省商務請飭妥籌辦法一摺東三省地大物博風氣未開亟應指定地界多開場埠推廣通商期於有濟各國公共利益並飭地方官舉辦各項實業以興商務著外務部商部會同北洋大臣袁世凱盛京將軍趙爾巽統籌辦法妥議章程辦理候旨施行○諭升允奏查明疆臣侵挪各款據實覆奏一摺前據崧蕃奏參侵冒餉精各員當將李滋森等一併革職歸案審辦茲據升允查覆潘效蘇等冒銷分用款項至二十三萬兩之多雖經照數歸款究屬通同舞弊該撫身為疆臣宜如何清白乃心整躬率屬乃竟侵挪鉅款實屬辜恩滅職甘肅新疆巡撫潘效蘇著即行革職發往軍臺効力贖罪已革鎮迪道李滋森吐魯番同知張樹焱候補通判周開曙扶同捏飾朋比分肥仍均著發往軍臺効力贖罪以示懲儆已革候補通判余協中既據奏稱未曾分款業經革職即著毋庸置議此項追出銀兩著該督等飭令另款存儲聽候提撥○練兵處兵部奏臣等前擬定新軍官制一摺於光緒三十年十一月十四日具奏奉 旨依議欽此欽遵在案伏思此次更定

官制其宗旨要有二端一以矯人情積輕之習使文武漸歸同科一以挽營員越次之風使名實不其相遠故職秩視前較異而限制亦視前較嚴古人設官分職本屬相聯各國軍隊章程官與職亦分爲二大率以實授之官任相當之職中國自軍興以來保舉充濫或以記名提鎮降充弁或以候補千把驟膺統將官職既太懸殊名器不無淆雜今方整飭營伍宜以官配職俾無參差明定等級以舉其綱簡訂章程以張其目庶寓鼓舞變通之意於整齊肅一之中計軍官自正都統以下九級各任其職以類相從非由陸軍學成及會帶新軍資及三年通曉兵事者不得與於斯選除授補署各有限制既不令以闕冗充數亦不使以猥濫見輕至軍官之外經理餉械醫務法律等員是曰軍佐所司事務重要且繁必各有專門之學始能勝任與軍官事同一體其品秩官階亦應相似惟於官名之首冠以同字以示區別擬按現設軍職之大小分別授以同正參領以下各官惟不得管帶營隊界限既清庶可各專職務謹參酌中外陸軍官制章程訂爲陸軍軍官軍佐任職等級暨補官體制摘要章程分繕清單恭呈 御覽如蒙 俞允卽由 臣處 臣部分行各省一律遵照其陸軍各官補選詳細章程仍由 臣等依次續擬奏請 欽定得旨如所議行○己未以陳繼堉戶部右侍郎○庚申諭前有旨派載澤等分赴各國考察政治該大臣等各至一國著各該駐使大臣會同博探悉心考證以資詳密○辛酉諭軍機大臣等有人奏滬甯鐵路

糜費太鉅請減輕成本尅期完工冀早贖回而保公益各摺片鐵路關係緊要亟宜力求覈實自保利權
所有滬甯鐵路工程欸項著周馥陸元鼎切實查覆並責成盛宣懷早爲收回以重路政而杜後患原摺
片著鈔給閱看將此諭令知之○壬戌調楊晟充出使德國大臣以李經邁充出使奧國大臣○癸亥子
故四川總督劉秉璋開復原職功績交國史館立傳○諭周馥奏請將李經楚留辦江甯銀行並請免其
開缺等語李經楚調補福建興泉永道奉旨後卽應赴任以重職守乃周馥初則請將該員調回江蘇徐
州道未予允准茲復藉試辦銀行輒爲奏留並請免其開缺實屬冒昧各省督撫用人行政自當一秉大
公不得瞻顧私情致壞綱紀周馥著傳旨申飭李經楚著卽行開缺交周馥差遣委用所請開辦銀行著
戶部議奏○乙丑九戶部奏永遠停辦當十大錢○改命李經方爲商約大臣○諭軍機大臣等御史朱
錫恩等奏浙省自辦鐵路請將訂蘇杭甬草合同連與撤廢一摺浙江全省鐵路業經商部奏准由紳
民自辦所有前與英商訂立蘇杭甬草合同著責成盛宣懷趕緊磋商收回自辦毋得藉詞延宕並著
嚴緝聚會同安連籌辦以重路政而保利權原摺著鈔給閱看將此諭令知之○丙寅外城工巡局奏外
城工巡事宜百端待理擬開辦房鋪車輛等捐爲擴充警政及歲修街道之用報聞○改命李盛鐸充出
使比國大臣○丁卯商部奏臣等接據臣部頭等顧問官翰林院修撰張謇開缺醫兩淮鹽運使四品卿

銜湯壽潛安徽候補道許鼎霖等呈稱竊職等於本年二月間呈請創設上海大連輪步股份有限公司當奉批示准辦在案遵卽公同議定先就上海十大鋪最近地方購定地基建築碼頭次度船步所在酌增造棧基地起造棧房再行接續訂造輪船開辦行駛原議招集股分規銀一百萬兩分作一萬股每股一百兩茲議分作十萬股每股規銀一十兩先儘創辦人暨認股各股東分認五萬股共計規銀五十萬兩其餘五萬股另招股分限期收足所有認股附股均於繳銀之日卽行起息統俟第一屆結帳時照章如數核付衆議允洽訂立合同簽字爲憑今由張謇湯壽潛許鼎霖暨認股各股東公舉候補五品京堂劉錦藻爲總辦商部四等議員分部郎中李厚祐爲會辦另舉經理兩人專司其事卽擬測定地段開辦工程除繕具集股辦事章程創辦認股合同遵章呈請註冊外應懇核准具奏等情臣等伏查中國幅員寥廓海綫延長而揚子江流域更且通貫數省欲求商業之振興端在交通之利便則推廣航業多設輪步實爲目前要圖溯自中外互市以來航路交通門戶盡闢所有沿江沿海各口岸貿易多爲東西洋商所佔華商除輪船招商一局外未聞接續辦理若不早圖擴充殊恐利權日失該修撰等有鑒於利源外溢思欲挽回輒集股本創設大連輪步股份有限公司先就上海十大鋪地方購地建築碼頭起造棧房以爲興業基礎一俟股本招齊卽接續訂購輪船增築船步爲逐漸擴充之計洵屬因時制宜有神商

界所擬集股辦事章程創辦認股合同等遂加詳核亦均詳審周密斟酌盡善自應准予立案俾資開辦得 旨如所議行○商部奏光緒三十一年七月間接據福建通省京官光祿寺卿張亨嘉等呈稱閩省地僻民稠生產鬱積全賴轉輸利便以發山澤之所藏以補耕作之不足近年以來奸商勾引外人勸指數府之礦地歸其專辦坐使利權日失夫礦與路本相輔而行欲杜賣礦之陰謀莫若自行籌款建築鐵路上為 國家挽久遠之利權下為紳民免身家之遺累惟是籌辦伊始貴重事繁非有信望素孚鄉閭推重之員不克勝任查有降五級調用前內閣學士兼禮部侍郎銜陳寶琛家世通顯學粹品端家居二十年籌辦學務商務具見成效凡閩省之經商於東南洋各島坐擁厚貲者平昔均服其為人若以該紳總理鐵路事宜必能感奮輸誠力顧梓桑之公益其於籌集股款一事決無阻礙廈門為通商口岸擬先行籌築為幹路之首段再行陸續建築期與廣東江西浙江路綫交通以廣商利現在各省先後公舉總理自行籌築均奉 旨允准在案今福建事同一律應請據情代奏請 旨定奪各等語臣等竊維福建一省與各國通商最早土產沃饒外人垂涎尤甚往昔風氣未開士民惑於風水之說恆不免跬步自封今該省紳士張亨嘉等眷顧鄉閭力圖挽救呈請自辦鐵路臣等覆查該省路綫不特與江西廣東浙江等處壤地交接商運必多裨益且於該省礦產亦可藉路綫以謀自保洵屬深有關係其公舉降五級

調用前內閣學士兼禮部侍郎銜陳寶琛總理該省鐵路查該員歸田以後頗能潛心實業既據該省紳士等合詞呈請前來仰懇 天恩俯念路政商機事關緊要准將降五級調用內閣學士兼禮部侍郎銜陳寶琛派令總理該省鐵路事宜所有專集華款及勘路購地興工各要端均責成該紳等妥速籌辦稟呈臣部詳核奏明切實辦理以一事權並遵照臣部奏定章程辦理三年後果有成效仍援照江西等省奏案奏明酌予獎勵如曠久無功亦卽由臣部奏撤差使以重路務得 旨如所請行○戊辰諭載澤等奏二十六日乘坐火車出京正擬開行陡聞震之聲查係炸彈猝發載澤紹英均受微傷除車旁傷斃三人外其餘隨員僕從亦有被傷者車內羅斃一人驗有炸彈毀裂痕迹等語並據那桐等具奏前來光天化日之下竟有匪徒如此橫行實屬目無法紀著責成步軍統領衙門順天府工巡局督辦鐵路大臣等嚴切查拿澈底根究從重懲辦以儆兇頑所有外城工巡局委員及南營參將鐵路車站委員疏於防範均著查取職名交部議處○己巳綽哈布等奏查本年二三月間巴塘喇嘛造言煽亂嚇使番匪糾眾生事戕害駐藏幫辦大臣鳳全等並殺斃法國教士土司又復助逆以致全臺變動邊境騷然奴才先因鑪邊迭有事端奏派提臣馬維祺躬率所部赴鑪至是遵 旨遴委建昌道趙爾豐添募勇營會同剿辦惟用兵關外首慮饋餉紆阻尤慮蠻荒響應特委道員文緯督理糧運夫驟缺乏百計經營而宣諭之員

履險於騰桑番寨之中。逆漸明始得解其附紂布數。粗定馬維驥趙爾豐乃能振旅西征。後先馳抵夷
塘。維時巴塘喇嘛土司等暫聚祭旗出而抵禦。節節關隘扼險設伏。圮橋掘塹。拒我師。徒馬維驥以爲殄
寇必貴速也。亟於六月十一二三日親率五營次第開拔。分道並進。十八日師次二郎灣。其山後頭殿喇
嘛寺地勢高峻。已有悍匪嘯聚。竄橫襲我軍。馬維驥先派中營黃敬文馬德昌帶隊往攻。礮石雨下。我
軍張炳奎等受傷。次日馬維驥親往應援。搏戰軍士攀木猿升而上。斃匪數十名。陣斬首要喀珠大哇。惻
忍古村三名而照珠等二名亦屬魁酋。並爲鎗斃。餘匪始各逃散。奪獲鎗械並有開張官物在內。是日後
營馬汝賢右營李克昌靖邊營張鴻聲會師於雪南橋。逼匪漸卻。甫至三壩關。諸營會圍兜擊。勇氣百倍。
酣戰兩時之久。陣斬逆目日根彭錯喇嘛因句夾伙等四名。遂奪其關。二十日副中營馬德又在喇嘛寺
突遇賊隊三百騎。刼取官糧。該營奪其精銳以敗之。於是羣匪皆退據大所關。併力遏守。關本石壁峭峙。
盛夏猶積冰雪。尙恐仰攻不易。遂遣馬德暨幫帶江定邦馬榮魁等繞道六十里以拊其背。馬榮魁於二
十三日丑刻途遇匪糧糈糈八畝。是日午刻諸營前後夾擊。匪等擁衆撲犯。把總陳天恩等連發巨
礮。衝分中道。因各突馳而上。克取雄關。要逆喇嘛工布汪阿那等俱殲焉。是役也。斃匪數百名。我軍亦有
傷亡。由此迭破要隘。直搗奔察木二十四日各營克復巴塘喇嘛本諾丁林寺爲巢穴。及是勢不能支。舉

火自燔率衆渡河折橋而遁我軍追逐江干鎗斃淹斃者百餘名二十六日馬維祺抵臺詣究倡亂本末
安撫被難商民解散脅從分別良莠立將正土司羅進寶副土司郭宗扎保一併從嚴拘禁查知戕害風
全之喇嘛阿澤番匪陸本郎吉井寺中勘布壩哥末格以及稔惡最著之阿江及格桑落米阿松格斗等
猶多竄逸且肇亂之由原因溝內七村之番燒毀壘場而起該番現猶散伏象山一帶若不痛加懲創將
廣灰燼復燃馬維祺分派營員帶隊四出期於窮巨慝而清餘孽七月初三至初十等日馬汝賢搜匪於
阿奶西生擒格桑洛米羅戎卻本二名惟林營深密馬汝賢遇伏受傷甚重裹創以返而張鴻聲則於三
叉岔路擒獲阿江李克昌則於象山生擒澤昌汪學馬德則於河西嘴呢熱山生擒阿澤與汪定邦賈廷
貴等均多斬馘各營搜剿殆遍日有俘獲共拿繳九子鎗七十餘桿并在阿江身旁搜獲鳳全頂珠翎管
澤昌汪學身旁亦有殉難各員衣具又在土司處搜獲教堂銀物兩司鐸屍骸均經詳辦無誤主教
倪德隆單開最要之匪圻休硬不又往鹽井調兵打毀教堂之喇嘛格桑吉村先後弋致其有擒到各匪
孰爲凶逆悉經當時目擊之委員吳錫珍等指認的確旋獲陸本郎吉供認鎗中鳳全腦後不諱而阿松
格斗等亦多就獲經此懲創以後陽濞理穢遐荒震聳人心胥安全臺底定迭據提臣文電咨報前來奴
才等已將要略電陳仰紆宸念一面復致提臣等迅提該正副土司暨擒獲匪犯各予駢戮用以舒中

外之憤該臺督後諸務暨應剿捕逆匪卽飭趙爾豐統兵留駐詳加審度妥籌辦理俾可一勞永逸無虞
杆格馬維祺酌留所部餘黨凱撤回省稍休勞瘁藉省饋運伏查鳳全還 旨籌辦邊務雖欲振興屯墾
亦未嘗以峻急行之祇因擬請限制寺僧人數一疏喇嘛聞知中懷怨懟飛語搆謗鼓惑頑正副土司
初不過潛預逆謀繼則公然助惡屢投印文於奴才等署竟稱鳳全教練洋操袒庇洋人應卽加之誅戮
若川省派兵壓境惟有糾合羣衆聯衆邊番以死抗拒等語狂悖實爲至極該僧等驕橫自大固屬匪伊
朝夕然使臣暫駐倘有拂其志欲輒敢蓄謀慘害自乾隆十五年前藏朱爾墨特之變至今百餘年誠西
睡所未見且鳳全從死百餘人之衆兩司鐸又罹其厄焚毀教堂糧署厥罪皆不容誅揆其狼性野心以
爲憑險可以負隅結援可以召黨軍行僭苦兵食難支因而藐視 王師遂致始終怙惡詎知提臣等深
愧醜虜不滅則藏衛道梗邊事將不堪問故馬維祺毅然以前敵自任趙爾豐提兵繼進力籌策應更保
其後路無憂尤難看當毛了土司烏拉失誤之時中道絕糧士有餒色馬維祺拊慰之下忍饑奮起轉戰
而前蓋由馬維祺將略夙優治軍最得士心臨陣乃能用命現在殲平邊亂論功行賞應求 特沛殊施
甄敘優加共昭勸勵博多歡巴圖魯四川提督馬維祺功宣絕徼忠勇冠時洞達經權機謀悉合擬請
賞給頭品頂戴並 賞穿黃馬褂頭品頂戴四川建昌道趙爾豐籌策周詳聲援自壯推功讓美艱苦弗

辭擬請 敕部從優敘花翎已革廣西補用道錢錫寶實有方功勳特著前已請銷永不敘用字樣
擬請開復原官翎枝仍留原省以原班補用並免繳捐復銀兩四川試用道文偉區畫殫心贍軍無缺擬
請仍以道員補用續補靖邊五營營官等材武出衆破壘擒渠花翎指分四川試用同知李克昌擬請免
補同知以知府留川補用都司馬汝賢擬請免補游擊以參將儘先補用守備黃啟文擬請免補都司以
游擊儘先補用千總馬德擬請免補守備以都司儘先補用把總汪定邦賀廷貴均擬請免補千總以守
備儘先補用守備職銜張鴻盤擬請以守備儘先補用隨營員弁等親冒矢石克捷有勞已革同知銜四
川開縣知縣鄧允惠擬請開復原官銜仍留原省補用並免繳捐復銀兩暫革四川試用通判沈續緒擬
請開復暫革處分免補本班以直隸州知州留川補用知縣用分省試用縣丞葉啟祐擬請免補本班以
知縣分省補用都司馬榮魁擬請免補游擊以參將儘先補用千總馬德昌擬請免補守備以都司儘先
補用把總陳天恩陳萬林李運祿均擬請免補千總以守備儘先補用已保把總劉友章擬請免補把總
以千總儘先補用總兵銜明正宣慰使司甲木參瓊珀擬請 賞加提督銜花翎四品頂戴明正土舍甲
木參格旺擬請 賞加參將銜其餘異常出力文武暨陣亡勇弁容俟提 等咨報到日再行核明彙案
分請獎卹 上諭綽哈布錫良等奏諸軍進克巴塘截平邊亂一摺本年春間巴塘番匪煽亂戕害駐藏

大臣鳳全等迭經電諭該將軍總督趕緊派兵剿辦茲據奏稱馬維祺等親率各營直搗巢穴將賊黨肅全之正犯喇嘛阿澤隆本郎吉等及其餘各犯悉正典刑巨懸剿除全事底定辦理尙爲迅速自應量予甄敘四川提督馬維祺著賞給頭品頂戴並著賞穿黃馬褂四川建昌道趙爾巽著交部從優議敘出力各員除錢錫寶甫經准銷永不敘用毋庸加恩外餘均著照所請以示獎勵○外務部與各國使臣改訂修葺黃浦河道條款其文曰辛丑和約所議設黃浦河道局及該局應辦事務並應收欸項各節中國國家現欲另定辦法自承其工並認全費經各國應允商定辦法條列如左 一所有改善及保全黃浦河道並吳淞內外沙灘各工統由江海關道暨稅務司管理其黃浦江面之巡捕及衛生驗疫燈塔浮標引水等事仍照舊章辦理 二此項議定章程畫押後三箇月內中國自行選擇熟悉河工之工程師經辛丑公約畫押之各國公使大半以爲合式中國即可派委其承辦工程倘開工後工程師或因事故須另換人如經各該國使臣大半以爲然者則其選擇委派各節仍照前法辦理 三凡立合同全圖或分攬河工購買材料機器等事均須招商公司投標以最宜者得售 四每三箇月須將所辦工程及所用各欸詳細開送駐滬各國領事官備查 五凡新築泊岸碼頭安設括碼頭河面停泊躉船各事須由江海關道暨稅務司允准方能舉辦 六凡已設泊船處所器具江海關道暨稅務司均有取舍之權並有

權設立公共泊船之處 七、清河各工須由江海關道暨稅務司核准方能開辦 八、凡改善保全黃浦河道各工所應用外國租界以外之地江海關道暨稅務司有收買使用之權凡有應改善河道之工須買地段如係洋商之產其價應由該地主之領事官及江海關道與稅務司並領銜領事官三處各選擇一人會同議定如領銜領事官即係地主之領事官則第三人應由亞於領銜之領事選擇該三人如何公斷該地主之領事官應即保其遵行如係華人產業即由海關比照酌定遵行河岸地段並如因改善河道之工增加淤灘應先儘該河岸之華洋地主買受承租其價仍照前法分別會議酌定或按情形由海關酌定 九、河工全費中國 國家一律歸出並不向沿江各地產及往來船貨徵收稅餉 十、中國現指定四川省及江蘇徐州府之土藥稅統數以擔保河工之全費仍照辛丑和約每年支用關平銀四十六萬兩以二十年為限如開辦後無論何年須購置材料機器等物用款較鉅中國可籌借若干款項備具保票即以上所指定之土藥稅為抵押每年付借款本息及舉辦工程費已竣之工一切諸費總以至少四十六萬兩關平銀籌備由該省該管各官將此數按月均勻分開交江海關道及稅務司手收如以上所提之稅不敷則由中國政府應用他項進款以補足所定之數 十一、如此項工程辦得有不見動搖堅固之處各國領事官大半可告知關道及稅務司轉語工程師設法改良或仍辦理不替各國領

事官亦可請關道及稅務司將該工程師撤退另行選擇委派仍照第一款所言辦理如江海關道及稅務司不允照辦各國領事官即可申詳以上所指之各國駐京大臣核奪 十二此條議定清押後卽將辛丑和約第十一欸之第二段及附件第十七暫行停止惟中國如不照此新章每年籌撥足用之欸以致有誤工程要需或有遺漏不照本章他項要端則辛丑和約條款及附件十七卽復施行

東華續錄

光緒一百九十六

臣朱壽朋敬編

臣潘鴻鼎恭校

九月壬申刑部奏議典昭垂範全國固不能因中外而殊科亦不能因男女而異制中外法律之最不相同者以婦女收贖一條爲最其考東西各國刑法死刑之次爲徒刑與中國車流名異而實同婦女犯徒罪惟英法日俄比五國或留內地懲役場或改拘監獄及製造所役使之刑餘國俱與男子同論良由平素教育無間男女不能因犯罪致生軒輊也中國自周官立法男子入於罪隸女子入於春蠶實爲男女異罰之始至漢則有女徒名曰儼山唐律婦女犯徒與男子同犯流決杖留住居作三流俱役三年此漢唐以來婦女犯流徒之大較其時尙無所謂收贖也查收贖之法始見明律 國朝因之於權衡輕重之中爲保全名節之意洵係聯典惟收贖諸圖記與往古贖銅之制其數甚微現在笞杖改爲罰金滿杖卽應十五兩本屬折中之數而律圖收贖滿流僅四錢五分卽納贖亦不過一兩三錢相衡之下輕重懸殊雖例內有實發爲奴十餘條大率婦女犯不孝姦盜及刁健翻控等項始得科以實發且節經修改有改監禁者有改爲准其收贖一次者援引之間易滋膠轕而婦女實發之案累年不獲一見定例幾等具

文至收贖舊例不特與新章輕重背馳抑且法輕易犯揆以各國刑制亦難收齊一之益矧人情詭詐百出習知婦女犯罪可邀輕典往往與人涉訟輒令婦女出頭賄買主使諸弊尤不可不杜漸防微臣等公同商議擬請嗣後凡婦女犯罪除管杖照新章一律改爲罰金外如犯該遣軍流徒係不孝及姦盜詐僞等項仍例應實發者改爲留於本地習藝所一體工作以十年爲限應禁者照原定年限亦收入本地習藝所工作其尋常各案准其贖罪徒一年折銀二十兩每五兩爲一等五徒准此遞加由徒入流每一等加十兩三流准此遞加遣軍照流科罪如無力完繳將應罰之數照新章按銀數折算時日改習工藝其犯該枷號不論日數多寡俱酌加五兩以示區別至老幼廢病有犯流徒等罪勢難使之工作應仍照舊律舊例贖銀數科斷如蒙 俞允卽通行內外間刑衙門一體遵照辦理並請 飭下各省督撫將軍都統府尹將女犯習藝所作速推廣以昭劃一其尙未設立以前所有女犯卽照應得工作期限暫予監禁得 旨如所議行○甲戌練兵處奏 臣處前准政務處咨開具奏嗣後出洋畢業學生均令咨送來京各項專門之學由學務大臣考驗武備一門由練兵處王大臣考驗如果確有心得再行擬定等第交部帶領引 見請 旨錄用各省武備學堂畢業學生應照此辦理等因又上年十一月間 臣等會同擬訂新軍官制聲明嗣後凡學堂出身或游學畢業均以此三等九級軍官分別除授等因奏蒙 俞允欽遵在

案此次出洋畢業學生金邦平等業經學部考驗奉 旨予以出身分別錄用 旁求之盛中外同欽至於武備一門與文學並重自陸軍改定官制薄海觀聽耳目一新尙武之風捷於影響有志之士或赴各國就學或入學堂肄業咸能刻勵勸勵力求深造他日干城之選無不由此取材應如何分級考試按等授官亟宜明定章程以廣登進而資遵守惟出洋學生在 臣處上年奏定游學章程以前及各省武備學堂學生在政務處具奏文武學生送考以前畢業已充軍職者均經効職多年閱歷有素但核其辦事之成績即可定其所造之學程應於現訂章程內另設專條分別辦理其在前項定章以後畢業各學生均照現擬章程內所開各項一律考試以示限制謹將章程十條繕單恭呈 御覽如蒙 俞允卽由 臣等通行遵照再此次所擬係暫行章程其餘未盡事宜容隨時察看情形續擬具奏得 旨如所議行○戊寅誠勸奏前准商部咨安徽紳士籌辦全省鐵路並請派員總辦應懇先予立案等因奏奉 諭旨依議欽此咨行欽遵在案茲據安徽通省京官函稱鐵路體大物博皖省財政支絀不得不就地籌款先造一路以爲樞輿擬仿照蘇省鹽斤加價及各省開辦彩票並加抽米捐爲各項經費此外一切可籌之款但求無礙民生隨時公同查議另函商辦請據情奏咨前來奴才伏查皖紳自辦鐵路洵爲振興商業之要舉惟興造必先籌款而籌款之法尤貴合宜所稱酌加鹽價米捐及設立彩票三宗他省或已奏准或經

舉行院省仿照而行之既係紳籌紳辦自不至有所擾累但米鹽兩項曩因認解賠款節經加捐奏明在案今院省以本省之財興本省之利與前事兩不相涉且不經胥吏之手亦無流弊除囑各紳詳訂章程另行呈明辦理並咨商部查明外謹會同署兩江督臣周馥附片陳明下商部知之○庚辰諭朕欽奉慈禧端佑康頤昭豫莊誠壽恭欽獻崇熙皇太后懿旨禮部奏萬壽聖節禮儀一摺十月初十日萬壽在皇極殿受賀停止筵宴其在外之公主福晉命婦著照例行禮○諭巡警關繫緊要迭經諭令京師及各省一體舉辦自應專設衙門俾食統率著卽設立巡警部署兵部左侍郎徐世昌著補授該部右侍郎所有京城內外學士毓朗著補授該部左侍郎直隸候補道趙秉鈞著賞給三品京堂署理該部右侍郎所有京城內外工巡事務均歸管理以專責成其各省巡警並著該部督飭辦理該尚書等務卽悉心統籌力任効勞嚴定章程隨時切實稽核期於內外靖謐黎民乂安用副委任一切未盡事宜卽由該部妥議具奏○寶熙奏恭讀八月初四日 上諭袁世凱等奏請立停科舉以廣學校並妥籌辦法一摺著卽自丙午科爲始所有鄉會試一律停止各省歲科考試亦卽停止其餘各條均著照所請辦理總之學堂本有學校之制其獎勵出身又與科舉無異是在官紳申明宗旨開風舉辦多建學堂普及教育國家卽樹人之益卽地方亦與有光榮並著責成各該督撫實力通籌認真舉辦共副朝廷勸學作人之至意等因欽此仰見

聖慮深遠因時制宜教育人才實事求是之盛舉溥海士流莫不聞風鼓舞注重學科化愚爲明自柔而強之基實植於此竊謂此後普及之教育日推日廣則學堂之統系愈重愈繁欲令全國學制畫一整齊斷非補苴罅漏之計所能爲一手一足之烈所能濟且當變更伊始造端宏大各處學務之待考核統治者條緒極繁必須有一總匯之區始足以期日臻進步擬請飭下政務處會議速行設立學部上師三代建學之深意近仿日本文部之成規遴選通才分研教育改良之法總持一切綱舉目張實於全國學務大有裨益查科舉既停禮部國子監兩衙門公事愈形清簡似宜統行裁撤歸併學部以節經費兼免紛歧其禮部應行典禮卽資成太常寺鴻臚寺慎重將事必不至稍貽隕越所有部監之司官助教等員半係文學出身亦可擇其學識明通者十留二三隸於學部其餘亟當統籌出路設法疏通以彰國家體恤羣臣之美至設立學部用款不貲各員俸廩雖不必如外兩部之過優亦未便照舊日定制之太薄且學務千端萬緒需才孔亟當此部款支絀之時勢不能不兼資外省財力略爲補助伏思各省科歲兩試三年中所耗考棚費用多則四五萬少亦二三萬今擬請按照省分大小將三年所籌之棚費每年分提數成作爲學部常年經費外省籌款備極艱難亦宜酌留一半以備擴充各屬中小學之用所提無幾第以十九行省計之亦頗覺積少成多若再兼以禮部國子監兩署經費與部中添籌之款當足資

展布矣然學部立矣尙有今日關繫學堂最重要者三條雖屢申明定章實覺不宜緩辦敬爲我 皇太后 皇上續晰陳之一學堂教員宜列作職官也外國教員皆係職官教員與學生稍有齟齬便爾思去功課中輟窒礙實多亟宜申明定章作爲官職別以品秩判以正副重以禮貌優以俸薪凡高等學堂以上之教員應由督撫奏補中學堂以下則隨時札委均咨明學部立案列入官籍之中畢業時仍須擇尤保獎如此則現在教員既覺榮寵有加可免來去自如卽將來師範生卒業亦有所安置矣一編定課本宜變通辦法也查奏定章程內官編教科書未出版以前應准各學堂自編講義果能合法卽准作爲暫時通行之本其私家編纂之課本由學務大臣鑒定如確合教科程度者亦可採用等語誠以課本需用甚急一時官力恐有未逮也竊謂課本不定學生將無業可執以致畢業之說迄無期限此今日最當研究者也查直隸學校司近編之各種科學書及湖北官立學堂所出各門講義頗足以資採用下至上海文明商務等書局發行新輯中小學各教科書亦多有宗旨不詭贅簡合宜之本各先著萃此等講義課本由編輯處統加審定擇其善者分別部居暫作爲各學堂應用之書俟學部立後人才敷用再行詳悉編纂隨時改良若此時專恃官編課本一體完備恐非三五年所能竣事此不得不略爲變通以免曠日持久之虞一學生冠服宜定制度以歸畫一也學生冠服雜糅殊失整肅氣象形式未立何論精神今由

官定爲畫一之制有禮服有操服並宜有大小小學之分官立私立之別在堂則整齊可觀出門則殊異於衆自可爲章身禮法屏絕奇袤應由學務大臣考核典章參以新制將各堂各種官服式樣通行各省學務處轉飭一體遵照辦理庶幾動中規矩藉壯觀瞻以上所舉三條係屬查照定章申明辦法合無籲懇 天恩一併飭下學務處從速議定通行各省切實施行學務幸甚下政務處學務大臣議奏○寶熙奏科舉已停禮部公事愈簡奴才因有將該部裁併學部之請如 廷議以爲典禮攸關未便裁撤查翰林院爲詞臣回翔之地事務尤覺清閒且文學較優由溫故而知新令其研求學務當資得力惟新設之外商兩部司員均係照大部名目若擬不裁禮部將翰林院歸併學部一旦由讀講編檢改爲郎中主事實恐窒礙難行查日本文部省所定官制大臣次官之屬有專門普通實業三局長參事秘書書記視學圖書審查衛生等官之名似可斟酌仿行以居清要其讀講等員人數過多如有拘執未化新學緊少研究與不願在內襄理學務者應請 飭下掌院學士悉心審察讀講撰文則以道員保送編檢則以知府保送並予以至省儘先卽補字樣以示優異而便疏通至待講學士以上僅十餘員尙屬易於安置如此變通辦法在學部或可得通才之助而翰林院各員亦不致獨抱向隅矣得 旨覽○辛巳廣西巡撫李經羲以病免○以林紹年爲廣西巡撫○以壽勳署兵部左侍郎○以岑春煊署貴州巡撫增韞署湖北

按察使○壬午諭崇善奏查明浙江省大員被參各款據實覆陳一摺前據御史姚舒密奏參浙江巡撫
蔣紹基藩司翁曾桂貪黷不職各節當經諭令崇善確查茲據查明覆稱蔣紹基翁曾桂雖無貪黷實據
然以封疆大吏不避嫌疑偏袒屬吏且於吏治新政均不講求以致紳民嘖有煩言翁曾桂遇事圓融於
屬員賢否漠不加查等語浙江巡撫蔣紹基布政使翁曾桂均著開缺候補道朱曉事逢迎居心險詐
候補知府文錦嗜利攬權行止乖謬伍元芝性情浮妄不恤人言候補知縣陳廷澍鑽營生事性情貪鄙
候補遊擊吳家正捕務廢弛縱匪橫行均著一併革職永不敘用候補同知陳祖蔭惟利是圖不知自愛
著卽行革職降補同知許興幹不知斂跡頗招物議著以府經歷縣丞降補撫幕徐在箴積弊廣望專事
應酬聲名惡劣著卽驅逐回籍毋許逗留以示懲儆其餘各員或任事未久或查無劣跡均著免其置議
○學務處奏本年三月二十日軍機處鈔交出使大臣孫寶琦奏請勸勵紳商廣設小學堂一摺奉 硃
批學務大臣議奏欽此原奏內稱自強根本會大興教育更無他策小學所以教通國之民實爲根本之
圖應請 明諭各督撫學政切實督飭地方官勸諭紳士廣設小學堂裁節官中不急之費捐募紳富有
力之家通力合作同時並舉普通教育尤以普通課本爲最要應請 飭下學務處延聘通儒編輯小學
中學課本各等語察核原奏多洞見本原攷求有得之言與奏定小學堂章程及編書局現在辦法大都

相合查辦小學堂經臣等行文各省飭屬遵照奏定章程切實倡導並將興學宗旨明白宣示每半年將學堂所辦事務教科課程教員名數學生人數及出入費用擇其要略照章彙報僅准直隸總督咨送全省學堂清冊此外各省迄未咨送近奉 明諭停止科舉責成各督撫嚴飭府廳州縣於城鄉各處遍設蒙小學堂各省遵 旨辦理當可實力推廣仍由臣等咨行各省嚴定州縣功過其玩視尤甚及有名無實者分別情節輕重隨時撤參所有各府廳州縣已辦各學堂由本省學務處隨時派員周歷各學細考其教授方法科學等級教員程度管理事宜仍查照定章每半年由督撫彙咨學務大臣一次以憑察核編書局纂輯中小學課本自監督黃紹箕接辦後重訂章程派員分纂所有各種課本初稿漸具加以刪定當可次第成冊其編輯大旨有在視學堂之程度為課本之淺深以學堂之年限分課本之繁簡一再研求務適於用各省呈送編譯教科書亦經訂有審定專章酌量採用除將該大臣所陳辦法知照該局參酌外臣等仍與黃紹箕隨時晤商期臻妥速又據稱必入高等小學方可授以四子書必入中學方可授以五經周禮孝經尤為切用惟今日學生應知應學者日廣不足應如何歸於簡要之處請 飭下學務大臣據派通儒折衷至善伏候 欽定頒行各等語查奏定章程在初等小學則誦習孝經四書禮記在高等小學則誦習詩書易儀禮在中學則誦習春秋左傳周禮皆算定字數自初入學日讀四十字起

至入中學日讀二百字止師生兩不爲勞而十經皆可畢業此係普通讀經之法中學以下必先讀各經係爲培養根柢起見無可疑議易書詩春秋左傳四書孝經分年誦習皆讀全文儀禮自唐臣韓愈卽苦其難讀惟喪服經傳並記一篇乃周公作經子夏作傳在儀禮中關係實用最大故必先讀此一篇周禮擬讀黃叔琳周禮節訓本禮記擬讀江永禮記約編江永黃叔琳皆國朝名儒其節本久已風行海內定爲讀本與該大臣所謂歸於簡要者用意正同應請均照定章辦理毋庸另議得旨如所議行○癸未調張曾敳爲浙江巡撫○以龐鴻書爲湖南巡撫○以張人駿爲山西巡撫○以寶棻爲浙江按察使增韞爲直隸按察使○趙爾巽奏整頓宗室覺羅學舍設維城小學堂以固根本下學務大臣知之○乙酉政務處奏議擬盛京將軍趙爾巽奏奉省投効人員太多實開仕途濫雜之弊請將投効一途卽予停止應如所請辦理得旨如所議行○丁亥伍廷芳等奏等奉命修訂法律固以明定法權推行無阻爲指歸尤以參酌東西擇善而從爲目的是以自上年四月開館以來自德法日俄各國刑律均經陸續譯齊並以英美兩國向無刑法專書大半散見他籍亦經依次搜討編譯成書惟立邦之法制雖知其大凡而刑政之執行尤資於試驗考查日本改律之始屢遣人分赴法英德諸邦採取西歐法界精理輸入東瀛然後著萃衆長編成全典舉凡訴訟之法裁判之方與夫監獄之規則刑制莫不燦然大備用

能使外國旅居之人咸願受其約束而法權得以獨伸至推原致此之由實得力於遣員調查居多我國與日本相距甚近同洲同文取資尤易爲力亟應遴派專員前往調查藉得與彼都人士接洽研求至訴訟裁判之法必親赴其法衙獄舍細心參考方能窮其底蘊將來新律告成辦理乃有把握然非得有學有識通達中外之員不能勝任茲查有刑部候補郎中釐康刑部候補主事王守恂李秩嚴通敏賀寶平日嫻習中律兼及外國政法之書均能確有心得擬請派令該員等前赴日本調查法制刑政並分赴各裁判所研究鞠審事宜按月報告以備採擇凡該國修訂之沿革頒布之次第以及民事刑事之所以分判並他項規則之關於刑政爲譯書內所未載載者俱可得其要領此外監獄制度日本向分爲六其中建築精審勸懲得宜久爲泰西所稱頌非循厯周訪繪圖貼說不能一目瞭然尤應詳細稽考借助他山事半功倍庶內外交資於刑政不無裨益得 旨如所議行○伍廷芳等奏 臣等奉 命修訂法律本以收回治外法權爲宗旨開館以來綜核東西各國刑制悉心參酌務期中外從同俾收統馭之效是以本年三月二十日議覆前兩江總督劉坤一等變法條奏擬請變通管杖辦法改爲罰金並請流徒以下不准刑訊等因奉 旨依議欽此又於二十一日復欽奉 上諭昨據伍廷芳沈家本奏議覆恤刑獄各條請飭禁止刑訊地畧變通管杖辦法並請查監獄屬所等條業經降旨依議惟立法期於盡善而徒法不

能自行全在大小各官任事實心力除蘊蔽庶幾政平訟理積習可回頗聞各省州縣武備嚴肅任性率用刑求或一案動輒株連傳到不卽審訊任聽丁差朦蔽擇肥而噬拖累押凌虐百端種種情形實堪痛恨此次奏定章程全行照准原以軫恤庶獄務公道而通民情用特重申誥誡著該督撫等嚴飭各屬認真清理實力遵行仍隨時詳加考查倘有陽奉陰違再蹈前項弊端者卽行從嚴參辦毋稍迴護瞻徇其各勤求民瘼盡心獄訟用副朝廷恤下省刑之至意將此通諭知之欽此伏維 聖訓煌煌中外欣頌朝廷設立刑章凡屬問刑衙門俱應遵守乃以臣等所聞各省州縣實力奉行者固多而陽奉陰違視爲具文者仍屬不少卽如上海會審公堂時聞有刑求杖責之事人言嘖嘖必非無因查上海自開闢商埠以來華洋雜處風氣開通同治年間設立會審公堂專理租界內詞訟凡會訊之員於中外法律理應諳熟此次議廢身體之刑合中外而相通尤應切實推行以一政令該公堂何以仍蹈從前積習沿用嚴刑腐敗情形於斯可見 臣等竊維立國之要領在乎法權而法權之推暨在乎嚴守夫上海我國之版圖也公堂我國之官吏也以我國之官吏行我國之法令揆諸公理孰敢踰越且將來新律告成範圍全國凡領土之內法權在所必行正宜乘此時機先於通商各口試行裁判訴訟之法以爲基礎乃上海爲各埠之領袖竟至首先梗阻殊出情理之外在該省大吏諒不至有心視爲具文第恐所委之員昧於交涉

毋於故常任情蔽視憲典如弁髦是非從嚴參辦不足以肅綱紀惟此項弊端現在各省俱未能盡絕不獨上海一隅爲然未便嚴於此而寬於彼若飭令各省一律查參勢必藉口省分遠近不同奉文先後各異以爲解脫轉致諸多窒礙今欲嚴其將來須先寬其既往相應請 旨飭下各省督撫督同臬司嚴飭所屬州縣嗣後審理案件凡罪在流徒以下者照新章不准刑訊體例應笞杖者照新章改爲罰金欽遵前次 諭旨實力奉行倘有陽奉陰違仍率用刑求責打者卽令該管上司指名嚴參毋許徇隱並請 飭下兩江總督會同江蘇巡撫將上海會審公堂一切審判事宜認真整頓務須選擇品望素著兼通中外法律者委充會審之員方能勝任愉快不得濫竽充數以致弊竇叢生上海通商最久觀瞻所繫總期行法得人庶將來頒布新律可以推行無阻而收回治外法權其端實基於此矣下部知之○商部奏 臣部承准軍機大臣字寄光緒三十一年八月十七日奉 上諭商部奏請飭清鹽礦產以保利權一摺著各將軍督撫卽行選派諳練廉正之員酌帶工師切實探勘均准作爲商部礦務議員並由該部悉心稽察嚴定考成隨時請旨辦理等因欽此仰見 朝廷注重實業及時整理之至意臣等伏查路礦兩端實爲各國富強之根本事屬相因政宜並重所有各省礦產業由 臣部酌定表式並擬妥定章程奏明請 旨辦理其各省鐵路近來次第奏請修築京張方籌款自辦滬甯正遂段開工滇蜀川漢經該疆

臣奏請於前贛皖閩浙准各紳商籌辦於後其他幹路如關內外蘆漢枝路如汴洛道清正太凡借款築之路嗣後按本損惠關繫至重卽各省自行籌辦之路所有購地估工行車輸運亦必須鉤稽參較以冀挽回利權臣部總持路政竊維督理之方以用人爲要義振興之法以賞罰爲初基必須整頓提綱乃克收除弊改竄之效擬請飭下各該管鐵路大臣及地方督撫將現在各路供差各員造具履歷清冊出具切實考語咨送臣部其各省自行籌辦鐵路之總協理各員及著名之華工程師統由臣部隨時核察如有品學純正才具優長實能於路務足資整理者卽行加札作爲臣部路務議員遇有公事准照各省商務議員之例逕行呈報臣部核辦至臣部有應行差遣應行調查各事件除特別事宜由部遴派司員辦理外其餘均由臣部逕札各該議員遵照隨時核辦藉資考察而一事權惟既經臣部派充路務議員卽當循名責實嚴其考成統計三年之內如查有切實辦事確遵臣部定章於路務大有起色者應准由臣部擇尤獎勵其敷衍塞責或始勤終怠之員當隨時撤退如有舞弊營私等事一經發覺應卽由臣部奏明嚴加參處庶幾懲勸兼施於路政不無裨補如蒙俞允應由臣部妥訂議員辦事章程通行遵照辦理得旨如所議行○戊子諭朕欽奉慈禧端佑康頤昭豫莊誠壽恭欽獻崇熙皇太后懿旨十月初十日萬壽聖節在儀鑾殿受賀欽此所有應行禮節著禮部欽遵辦理○張之洞奏籌捐之設所以

養兵衛民本 國家萬不得已之政且近年地方新政競舉亦多取給於此仍係以取之於民者還之於

民無如奉行既久弊竇日滋局卡繁密司巡苛暴查驗則到處留難浮費則有加無已以致商利日薄民生日艱良懦者歇業而失生計狡黠者驅之以歸洋旗徒召怨咨無裨國用體察情形大有岌岌不可終日之勢臣深憂熟計惟有改辦統捐一法商人稽留勒索之處較少稽察弊端亦較易當經督飭司局通盤籌畫專以宏綱疏目之道行之現將內地之鮎魚套白沙洲黃陵磯湖口坪黃花湧縣河口天門縣黃陂縣孝感縣歧亭武安壩距長江最近之興國州沿長江之蘄州浠源口黃石港下巴河樊口北卡江口郝穴宜都縣沿襄河之漢川縣仙桃鎮岳口沙洋東津灣鄖陽府及襄陽府船隘張家灣船隘二十九局一併裁撤其應收百貨釐者酌於長江襄河及內河共留大小二十局一律改爲統捐此外若鸚鵡洲竹木捐長江卑土布捐河溶絲絹捐應城石膏捐安陸船捐各有專門不抽百貨其河溶應城兩局向來兼抽百貨者俱行停免所有全省收捐章程略分三項外省客貨徵之於入境第一卡本省土貨徵之於由產地運出內河第一卡計其指運地方沿途經過幾局卡將其向章應完釐數合併計算統於此第一卡徵收一次以後概不重徵其本省銷售落地之貨徵之於最大市鎮以後轉運他處除經過各局應補統捐外該貨行抵轉運銷售之地其落地捐概不重徵此三項仍照各局向章完釐之數概不加增如有指

近運運者及串通司巡繞漏賣放者前途查出時仍令將贖免之數補完並加重罰凡從前成案稟明之挂號照票灰印三項陋規以及划子錢提船錢等一切陋規暨隨時勒索各費全行革除在商民於向來應完釐捐毫未加增而沿途查驗留難節次索擾獨除淨盡當經分飭各局遵照統捐新章於五月二十日開辦應裁各局卡卽於是日一律裁撤如有委員舞弊司巡婪贓違背新章浮收勒索藉口留難一經發覺審實將委員參革司巡拏辦此事便於商民而不便於向來婪索作奸之委員司事危言恫喝多方沮撓臣相其重輕力排眾議決計行之卽使目前收數稍有短絀然從此商旅寬舒民生暢遂釐捐終必日有起色斷不至遜於從前試辦數月以來商民歡悅事機順以後如有斟酌損益之處再行隨時奏明辦理下戶部知之○庚寅諭桂春等奏北新倉不戒於火請分別議處一摺據稱本年十八日夜間北新倉突報起火燒燬現儲白糧之牌字等三廩趕卽撲滅等語該倉監督等疏於防範咎無可辭扎欽布機奎均著交部議處其值班夫役人等有無別情著刑部嚴行究辦侍郎桂春劉恩溥並著交部議處○外務部奏查辛丑和約第十一款內載設立黃浦河道局經營整理改善水道各工所派該局各員均代中國暨諸國保守在滬所有通商之利益預估後二十年該局各工及經營各費應每年支用海關銀四十萬兩此數平分半由中國國家付給半由外國各干涉者出資等語並附件第十七開列詳細辦法

三十七條此事在當日雖明知於治理地方之主權不無使損推和議關係全局安危未便因此一端與各國斷斷爭論嗣經各使迭催派員開辦前兩江督臣劉坤一暨署督臣張之洞均以此項條款有礙主權堅持未肯派員惟既載公約勢難作廢因建議不如由中國獨認全費改歸自辦至上年督臣魏光燾復擬辦法五條電商臣部事屬更改公約磋商固非易易而熟權利害關係匪輕臣等不敢不勉爲其難遂照會各使請各國政府允中國獨認全費自辦此項工程即先據美使以美政府之意中國已認全費有無擔保之據來相詰問臣等因轉商戶部指定四川省及江蘇徐州府之土藥稅作抵以堅其信嗣又據英使照會以所擬辦法五條尙未詳備另擬十二條於責成認辦全費擔保工程各節諸多限制臣等復就其所擬條款詳加察核或照允或駁改分別酌定仍爲十二條一面與現署督臣周馥往返相商一面與各使逐條辯論必至無可再爭悉臻妥協乃爲議定計前後四年爲此事內外協力堅拒婉商始克就範在中國認出經費雖歲增二十三萬兩然原約所謂半由外國各干涉者出資實係抽捐於沿江各地產及進出各船隻仍是取諸華人者居多故全費較半費其增減之數本非甚鉅而藉此以收回管轄事權保全長江門戶於大局不無補救茲已將改訂條款於八月二十九日由臣等會同各國使臣在部畫押將條款恭繕清單進呈 御覽併咨戶部暨兩江總督查照辦理報聞○辛卯 淑慎皇貴妃金

棺奉安 國寢○以紹昌爲內閣學士○岑春煊奏臣於光緒二十九年三月奉 命署理兩廣總督辦理廣西軍務當於五月二十四日馳抵廣東略籌餉械遂卽隨帶文武親赴潯柳督師維時廣西游土各匪四起句合除桂平梧鬱四屬租安外其南泗鎮色柳慶思潯太平恩順等屬無地不匪大者千餘爲一股小者數十爲一股匪巢匪首奚止百千加以比歲不登饑民爲匪裹脅及甘心從匪以徼幸一日之生者所在皆是臣焦懼徬徨正苦無從著手幸賴 聖明燭照將諱盜之撫臣與養癰之提臣立予罷斥文武震悚指視易聽於是始有下手之處而岌岌可慮者猶有數事第一則慮蘇軍句匪以開邊釁第二則慮窮寇狂竄以禍鄰疆第三則慮饑民附結以張匪勢於是將蘇軍之桀黠者陸續調入內地一面奏請以鄭孝胥督辦邊防並奏調武建軍前往所以防第一可慮也又奏請滇黔會剿並會同滇黔奏派道員謝汝欽辦理三省邊防營務處俾靈呼應而一事權所以防第二可慮也又電請各省廣募賑款並委員購糧分運散放以活災民所以防第三可慮也大端略定一面遴選得力文武以柳慶爲一路思南爲一路泗色爲一路鎮太爲一路督飭同時剿辦時思南一路尤爲喫緊特請以余誠格署左江道兼辦左江營務處並奏調雲南龍濟光一軍由滇邊向泗色節節掃蕩而前迨至是年八月各路剿辦均頗得手因廣東諸事代理臣遂回東前撫臣柯逢時亦適於是時抵任臣回東後於西省各將領或手書誥誠或電

檄脅催嗣是鎮太泗色思南各路日有起色著名匪目如黃五肥麥子二沈少英閔連培鄒五侯五陸彩
邦李八唐妙羅萬起騰八滕正宜周特先王特燕等先後授首自提督丁槐會合東軍搜剿欽廉與上思
交界之十萬大山一役後左江沿邊地面卽已肅清方意右江地方亦可漸期平靖詎意事多舛逆人謀
不臧上年五月忽有柳州之變經旋勦勞敗於一旦柳慶土匪同時蜂起左江地方幸先已肅清復得了
槐余誠格鎮攝督師而桂林差免牽動其時叛匪號稱萬眾分爲兩股一踞四十八峯以竄省會一踞梅
寨關竄湘黔四十八峯一股爲熙字綏靖定武字各軍殲除生擒首逆陸亞發解省正法梅寨一股先爲
湘省黃忠浩軍所挫乃回陷羅城旋經龍濟光克復龍濟光復會合王芝祥各軍敗該股於王村小長安
等處餘匪竄歸五十二峯又爲張得貴會合濟軍在廣南官橋等處痛擊三晝夜殲斃三千餘名由是匪
之精銳略盡間有竄往黔邊者亦經陸榮廷軍擒斬至上年十二月內右江股匪亦已悉平綜計用兵兩
年先後據各文武稟報擒斬匪目不下百餘殲斃匪黨並已過萬奪獲鎗械馬匹亦以萬計迭次攻剿情
形經隨時詳晰奏報有案茲特撮其大略不再複陳自上年正月迄今已逾半年各屬文武之稟報均云
地方粗安並無股匪臣猶恐稟報或有粉飾委員查訪大略相同此臣兩年來籌辦桂匪及全省一律肅
清之實在情形也伏維 聖 命督辦軍務勞師兩年糜餉三百餘萬仰賴 宸謨指示與夫兩湖雲貴

各督撫籌餉籌兵助防剿匪雖得幸有今日撫衷循省負罪滋多惟念糜餉勞師是微臣一人調度乖方之咎其在事出力文武員紳或搜匪於密菁深山或博命於硝煙彈雨寒暑瘴癘艱險不辭而湖北湖南雲南福建各員尤能本各督撫公忠體國之心籌餉籌械籌兵不遺餘力兩廣之營務處軍械局營後局各委員亦復昕夕不遑盡心贊助諭各員所任者雖非一事而異常出力則同當軍務緊急之時無非藉朝廷名器以爲鼓勵許以事平後爲之奏請優獎並歷經奏奉 敕允在案茲幸肅清見告若不繼恩獎勵殊不足以酬勞勸而勸將來今擇其尤爲出力者共文武三百三十一員其協剿客軍並協濟餉械出力共文武六十七員分別酌擬獎勵另繕清單恭呈 御覽以上人數合計雖若甚多然用兵兩年大小百數十戰若分案請獎尙見其少臣已再三核減委無冒濫合無仰懇 天恩俯准如請給獎以資鼓勵出自 聖裁至此次請保多有他省人員實以軍務緊急隨時調用未能照章先期咨部又單開請保文職較多因營哨各官多用文員充當其身臨前敵之人大半文職是以據實列保雖獎敘尙有相優之處亦爲策勵有功起見伏乞 聖明洞察抑臣更有請者自來匪亂之成用重兵僅乃平之者當其初起一守令之力卽足遏之廣西今日之亂雖曰莠民太多然何常非十數年來吏治不修營伍廢弛浸漬釀成乃至於一決今雖股匪悉平全省粗稱安靜然蓄匪可以按名盡獲從匪勢難悉數而誅目下

次要匪目漏網者雖僅一二名而無名之匪三三五五竄匿於深谷幽巖者計尙多有此等匪如鼠之潛伏夜動若恃兵力搜除無異以牛捕鼠是必賴州縣認真辦理團保隨時購緝緝方能盡絕根株蓋此時軍務已終捕務方始守令之責重於軍營也倘吏治之不修無論零匪湊集卽成股匪而莠民何地無有卽不承軍務之後彼莠民獨不足爲患乎是故廣西從前本無股匪由吏治之不修匪患乃成然則欲圖日後之治安固會吏治無由矣所慮者居西文武或以辦理善後不能如辦理軍務可以有赫赫之功精神一頓隱憂遂伏擬請 明降諭旨宣布 朝廷重視善後之意其異常出力者並准援照剿匪出力之員一律請獎 綸音所布邊陲受福卽已無涯至於振實業以厚民生設學校以開民智興養立教尤善後之大端應由撫臣隨時切實籌辦以期仰副 朝廷眷顧南服之至意 上諭岑春煊奏廣西全省股匪一律肅清請獎文武員紳各摺片廣西匪勢蔓延地方糜爛前經特簡岑春煊著理兩廣總督督辦該省軍務兩年以來將各路游土各匪次第蕩平全省一律肅清辦理尙爲順手岑春煊實心任事調度有方允宜特膺懋賞著加恩賞加太子少保銜開缺巡撫李經羲著交部從優議敘廣西右江鎮總兵丁槐著補授廣西提督廣西按察使余誠格著賞給頭品頂戴並交部從優議敘廣東布政使胡湘林著交部從優議敘太平思順道張鳴岐著賞給隨戴加三級兩廣委用存記道宋榮璵廣東補用道王秉恩均

著賞給頭品頂戴廣東候補知府陳望曾著交軍機處存記其餘單開各員著該部議奏現在營後事宜尤關緊要全在地方文武興養立教除暴安良著責成該省巡撫督率各員認真整頓切實籌辦隨時考查能盡心民事力行實政者即予從優保獎其奉行不力之員即據實奏參務期吏治營務日有起色以安民生而綏疆圉○壬辰轉陳名侃爲外務部左丞以汪大燮爲外務部右丞轉雷補同爲外務部左參議以鄒嘉來爲外務部右參議○練兵處兵部奏上年十二月間出使大臣梁誠片奏請選王公子弟入陸軍學堂肄習當經臣等議覆以現在更新軍制講求肄習允宜始自貴近擬請設立貴胄學堂一所專爲王公大臣子弟肄武之區其開辦章程俟擬定再行具奏等因奏蒙 俞允在案臣等謹悉心擬訂約分六大綱曰總則曰職掌曰規條曰課程曰考試曰經費各依門類繫以子目附列課程表作爲試辦章程暫就神機營舊署改建講堂學舍俾得剋期舉辦並懇 恩愍宏敞官所以爲逐漸擴充之地現擬各條內如有應行變通修改之處開辦後察看情形隨時酌核具奏抑臣等更有請者講求兵學乃圖強本務四方觀聽視貴族之趨嚮爲轉移溯維開國之初底定寰宇總征討頒禁衛者皆諸王貝勒及勳戚大臣偉烈盟功光昭史冊現在 朝廷振興武備特設貴胄學堂此項籌議舉行必須名實相符方足以收明效該王公大臣等近念時艱遠懷先緒亟應各遣子弟投考入學勿懷觀望並宜父詔兄勉使其刻

國書發以紹興山帶河之勦而備折衝禦侮之資擬請 特降明綸諭宣示俾知勸勵且令天下咸知
勦華夷內尚皆身入學堂親習士伍則風聲所播薄海景從振尚武之精神儲干城之材俊胥在是矣謹
將所擬章程繕單呈 覽恭候 欽定奉 旨後即由 臣等咨行宗人府神機營及各部院衙門一體遵
照 上諭練兵處兵部奏實習學堂章程一摺自來習戎振武實爲強國之基方今軍制日新尤應講求
實學茲據奏稱建立實習學堂令王公大臣各遣子弟投考入學親習士伍洵屬振興武備之資所定章
程亦尙周密著卽責成該王大臣切實舉辦督飭認真講肄力底精強隨時考查毋稍寬弛各該王公大
臣務當交詔兄勉激勵奮發樹之風聲俾壯干城而安磐石庶共副國家培植世臣崇簡俊傑之至意○
甲午諭軍機大臣等有人奏口外防軍滋擾浮收短發並有釀命縱盜情節請飭查辦一摺著張人駿按
照所參各節確切查明據實具奏毋稍徇隱原摺著鈔給閱看將此諭令知之○諭前據御史黃昌年奏
參周馥各款當經諭令張之洞確查具奏茲據查明覆奏署兩江總督周馥辦理內政外交尙無不合卽
著無庸置議江蘇候補直隸州知州王世綬膽大妄爲有虧職守著卽行革職永不敘用補用直隸州直
隸候補知縣洪壽彭句串招搖釀命生事著交部嚴加議處江蘇候補道羅長綺委辦陸軍學堂徒事敷
衍激生事端著交部議處江蘇候補道李光業派充學堂總辦物望難孚著撤去差使調補江甯縣知縣

葉保慶署山陽縣知縣單琳頤滋物議均著周馥隨時查看該署督務當振刷精神破除成見於一切用人行政悉心整頓秉公考核毋負委任伊子江蘇候補道周學海迴避改省仍留署中致滋謠誣著迅速赴部改聖省分領照到省毋任逗遛○乙未袁世凱等奏自北京至張家口一路爲南北互市通衢每年運輸貨物如蒙古一帶所產之皮毛駝絨販運出洋與南省運銷蒙古各處之茶葉紙張糖繅煤油等雜貨均爲大宗計其價值頗鉅數第以運道艱阻致商務未能暢旺前議設京張鐵路輒因工鉅款繁未易興辦等查京張一路爲北方商務攸關經派候選道詹天佑前往查勘估修並公同籌商以關內外鐵路進款目前頗有盈餘擬就此項餘款酌量提撥開辦京張鐵路當飭關內外鐵路局道員梁如浩等與中英公司商辦該公司代理英人顧樸以按照合同各路進款應存天津匯豐銀行作爲借款之保所有經理養路各費開支餘賸備還借款本息原約均已載明須彼此商議妥善方可提用經梁如浩等酌擬辦法兩致倫敦中英公司由該路進款餘利項下除劃存備付六箇月借款本息外其餘應聽該路任便提撥作爲開辦京張路工之需復由臣等函准英國使臣薩道義稱此事已准本國外部電稱中英公司現以鐵路進款餘利中國鐵路局可任便使用該公司已函致倫敦公司宜俟該函覆到等語該局旋據顧樸函稱接倫敦來電應備存一年本息續經梁如浩等駁令仍照原議商辦現據顧樸函稱倫敦公

司已允除將餘款劃存六箇月借款本息餘可動用請照辦等情伏查京張一路約長三百七十餘里其第一車站應設豐臺沿途地多平坦中有數十里山路崎嶇尙須開鑿綜核全路工程通盤約估如實地庫道購料設軌鑿山建橋共約需銀五百萬兩左右若從速動工四年可成擬即就關內外路進款餘利項下每年酌提銀一百萬兩四年以內可得銀四百萬兩又查庚子年後關內鐵路因亂被毀曾於進款項下墊撥修路之款暨收路後墊還各項帳款應在大賠款內撥還者約有八十餘萬兩可提統計約可敷京張全路工程之用據關內外鐵路局道員梁如浩陳昭常詳請前來臣等查京張鐵路關係要亟宜即時開辦正慮籌款維艱現在關內外鐵路餘利既多且經商允中英公司但須備付六箇月借款本息餘可任便提用自應將此項餘款分撥修造京張鐵路以濟要工此路卽作爲中國籌款自造之路亦不用洋工程師經理自與他國不相干涉仍飭將全路工程測勘完竣繪具圖說另行核辦下外務部知之○丙申 慈禧端佑康頤昭豫莊誠壽恭欽獻崇熙皇太后 皇上御勅政殿德國使臣穆默覲見○賞撥通州王恕園等處粥廠賑款○外務部奏光緒三十一年八月二十四日准軍機處鈔交粵兩江總督周馥等奏海州商務漸興擬請自開商埠一摺又海州紳商請行駛小輪一片本日奉 硃批外務部戶部議奏片併發欽此欽遵到部查原奏內稱江蘇海州直隸州地瀕大海界連山東民氣勤樸業務農

業近年紳士翰林院編修沈雲沛道員許鼎霖等設立豆餅麵粉蠶牧三公司生產漸多風氣較從前開闢現擬清查蕩地勸立商會凡有益農商各事皆應擴充辦理實力振興據該紳等來省面請海州臨洪口本爲海船停泊之所其海州所屬嶺南縣之青口碼頭亦爲停船集鎮近年土貨日多因港輪船販運不大暢銷應請開作通商埠以利中外商業且賦稅所入不無裨補等語訪察輿論變經派員詣勘大致相同因函商總稅務司赫德遴派善於測勘海道之理船廳戴理爾前往會同官紳查勘旋據戴理爾回稱臨洪口開設商埠最爲相宜其口數十里喫水深八尺之船可以停泊北距臨洪口數十里有青口地方口內河水較淺應作爲分卡將青口之河擇其路近處所開通併歸臨洪一口則於河道商務均有大益每年土貨出口可值銀五六百萬兩洋貨進口尙難預計惟該處淤灘寬遠應建碼頭棧房駁船築路等工尙須籌畫至口外十餘里海中有數島可以泊船不能避風若欲加築堤岸工費太鉅不如運用淺水船運貨較爲合算等語接晤官紳證以圖說所言亦均符合既已衆議衆同應請將海州臨洪口作爲自開通商口岸青口及其餘各口可以設卡收稅之處均作爲該關分口懇飭下外務部戶部議准施行至航路沙綫輪船停泊處所應派理船廳詳細測量應建碼頭各項工程俟測量後再行派員勘估該關應否卽名爲海州關併由外務部一併議覆又片稱海州居膠州上海之中爲航路往來必經之道該

州紳商迭來陳請擬自僱小輪裝運貨物來往行駛查與內港行輪章程相符自應照准該紳商等並稱近年各處設立新關所需各費皆由本省籌墊俟關稅收有成數再行歸還現在屬輪試運徵稅無多請即以輪船所納稅盤留作建築碼頭等事之用如將來尙虞缺乏紳商願應借銀兩湊用隨後由官歸還以期早日辦成查所稱各節均係遵照向章應俟接准部覆一併詳敘奏明辦理各等語臣等竊維現當振興商務風氣日開各省內地當亟思自開商埠海州爲沿海要區其形勢既宜設埠近年土貨出產亦多自應及時布置俾擴商業而保利權該督等擬將海州臨洪口作爲自開通商口岸既出自紳商籲請又經派員查勘衆議衆同應請准如所擬辦理卽名該關爲海州關由該督等查照各處自開口岸辦法妥擬章程開辦其餘輪船之青口及其餘各口可以作爲分卡之處亦應一併設立惟分口恐收稅無多如開濬淤灘加築堤岸等事工費過鉅則又當分別緩急酌量施行以免得不償失至行輪與開埠事實相需而成該處既開爲通商口岸該州紳商請自雇小輪運貨應令遵守內港行輪章程由該口或駛往他口或駛往內地均可准行又該紳商等請以行輪所納稅項留作建築碼頭等費及自行應借銀兩湊用隨後由官歸還各節查各處開埠設關所需經費皆由本省籌墊俟關稅收有成數陸續歸還歷經辦有成案今擬以小輪所納稅項與築各工卽以本關之款供本關之用由紳商應借銀兩湊用亦係該省

自行籌款之法均應照准准行輪開平原爲自保利權切不可借用洋款致滋弊端所有該紳商等自行
恩借銀兩仍應由該督等將如何恩借如何疏還之處先行分別報部立案以備查核得 旨如所議行
○丁酉趙爾巽奏旗民向禁交產行之既久弊害滋多請將奉省旗地旗房不准民人典買舊例 恩准
刪除以期旗民交益下戶部知之○商部戶部奏光緒三十一年八月十二日軍機處鈔出兩江總督周
馥等奏三省查礦事宜擬請 特簡大員督查招商試採一摺奉 硃批該部議奏欽此欽遵鈔交到部
查原奏內稱中國礦產之富甲於五洲歷年華商辦理未見明效亦因查礦未確地方官紳未能切實辦
理各國辦礦首重查礦次重探礦查礦之權操之國家其費出自公款或准商人墊用皆由探礦公司歸
還末有不先行查實而貿然下手者擬仿照各國辦法先延礦師將江蘇安徽江西三省逐一查驗凡有
礦處先勘地面礦苗如何如果苗旺質佳再行鑽穴探驗地下礦產如何礦產如厚再驗來脈遠近鋪地
寬狹運消難易一一詳查估算分別上中下三等列表繕冊通報戶部商部等衙門存案凡官山自應申
禁不准私賣如係民產彼此轉售亦應稟官查明買主確是土著方准過割並曉諭地方官紳先將近礦
山場田地設法購買若干以爲基礎此項查礦經費現經 硃飭山寶蘇西皖四藩司各於銅元餘利項
下暫撥銀二萬五千兩擬於三年之內將三省有名礦產查辦就緒惟茲事體大擬按照從前三品京堂

李徵楮辦理四川礦務成案請 欽派大員督辦三省查礦事宜遇有要事會同督撫商辦至三年查礦期內必有陸續試辦者無論官股商股概照公司章程辦理華商風氣未開招股不易議者皆謂宜提銅元餘利二三成早開銅礦以固根本惟現在各省銅元局提款太多殊難多撥應俟隨後體察實商酌提餘利附充股本等語臣等伏查中國固有之利源要在振興礦政各省急起自辦自以首先設局調查為權輿商部准復兩江督臣來咨擬合江皖贛三省之財力派員查礦並設三省查礦公所等語當於本年八月間具奏擬仿照兩江督臣等所擬辦法請 旨通飭各省將軍督撫迅即籌設礦政調查局專選諳練廉正之員咨由商部加札作為礦務議員令其酌帶礦師詳加探勘除已開之礦仍按前頒礦務總表填註外未開之礦即造此次刊定表式隨時填明具報如有切實探勘確著成效者准由商部擇尤獎勵等因業奉 諭旨允准通飭各省一律欽遵辦理在案此項礦務議員甄選之始既由各省督撫就其才能委用之時又由商部課其殿最所有該省礦政自不難責成經理以竟厥功茲兩江總督周馥請照四川辦礦前案督以大員轉應體制較崇未必躬親履勘仍須派員前往稟撥核轉會同奏咨徒增耗費轉多周折擬請仍照商部前奏各節妥籌辦理該督等前設查礦公司即改礦政調查局並將該省派往查礦之員開具履歷咨由商部酌量加札作為礦務議員以符奏案所請 特簡大員督查之盛應毋庸

議原奏又稱三年內陸續試辦無論官股商股概照公司章程辦理自屬可行仍應查照商部奏定礦務章程隨時咨報以憑查核原奏又稱議提銅元餘利早開銅礦一節戶部查現在整頓國法需銅孔亟故洋銅進口日益加多若能早開銅礦自開利源誠屬扼要之論該省擬提銅元餘利附充股本亦係正辦惟各局所辦練兵經費及部撥各款均關緊要務先照數解足所餘餘利自應由該省酌量提用以充股本其餘嚴究私買礦產先飭官紳購買近礦山場田地各節均與商部迭次奏咨各案相符至稱詳細章程屆時察看情形再行會奏一節查此項章程自應由商部訂定奏明咨行遵照並通行各省照辦以歸畫一如轍 俞允卽由臣等咨行該省督撫欽遵辦理得 旨如所議行○戊戌命尙其李盛鐸會同戴澤戴鴻慈端方前往各國考察政治○己亥財政處奏准河南巡撫陳夔龍咨銅元局司道詳稱本年正月初五日准財政處咨行無庸購買鑄成銅餅當因未經奉文之先於上年十一月已向日商小栗洋行訂購銅餅二千萬枚運到時仍請銀貨互交此後不再購買詳請咨明續於二月二十四日又准外務部咨准出使日本楊大臣咨稱遵照部咨嗣後各省遇有訂購日本貨幣材料必先咨明外務部或出使大臣以憑照會日外務省轉飭所屬查驗放行如無照會卽屬私運等因奉此以爲前之財政處飭禁係防私鑄以儆亂真後之外務部飭遵係准官購以杜私運統歸前後咨文無非爲杜弊防私起見若由官

與訂購當無不合適四五月間新機甫設運轉未靈每日鑄造所出無多故又向日商小栗洋行商購四千萬枚六月初一日訂立合同六月十九日奉准財政處咨覆仍照前咨無庸購買當即派員赴津與該洋行議退議商除已有二千萬枚造成陸續運津接案應請海關驗明接收運津外其未經造成之二千萬枚議令退回改爲購銅原立合同批明完結惟職局爲急公起見辦理不免有誤會之處責不敢辭等情業經本部院將承辦之員嚴行申飭應請免其置議等因前來等伏查近年各省銅元局購用外洋鑄成銅餅流弊滋多前經臣處會同戶部議令嗣後無庸購買通咨各省查照嗣以河南銅元局於咨文未到之先訂購銅餅二千萬枚並聲明此後不再購買是以通融照准乃續又據該省以安設機器需時請再購銅餅四千萬枚臣處以該局既購新機應即鑄銅自鑄若仍購買銅餅不獨與前咨有礙卽與該省前咨亦不相符咨覆查照而該省銅元局竟未候咨覆已經向洋行訂立合同殊屬不合應迅卽責成該局設法速行完結聲覆並將承辦之員職名查送等因各在案今據咨稱該局續購銅餅係誤會外務部咨文現已與該洋行商定將鑄運之二千萬枚接收餘已悉數退回改爲購銅承辦之員業經嚴行申飭請免置議等語以通行飭遵之案該省承辦之員竟不遵照辦理本應予以懲處以儆將來姑念事屬誤會且已將未鑄運之二千萬枚議定退回擬從寬免其議處惟各省銅元局既設多處難保承辦各員

無效尤情事相應請 旨飭下各將軍督撫轉飭銅元局不准購買外洋鑄成銅餅如有陽奉陰違私向洋商訂購定將承辦之員嚴行參辦嗣後購買銅斤務先將數目價值電報 臣處戶部核准後方可訂立合同俟銅斤進口時由海關隨時將某省所購銅斤數目月日呈報外務部轉行 臣處戶部互相考核並令各省將辦理銅元局員司銜名造冊咨送以憑查核 旨如所議行